

宣統三年元月

民國己巳年己巳月己巳日立

步兵教科書

姚

陸軍第九鎮司令處編定

步兵教科書目次

恭錄

上諭

第一章 精神講話

第二章 歷史

第三章 地理

第四章 各兵種之性能

第五章 軍隊內務摘要

第六章 陸軍禮節摘要

第七章 陸軍刑法摘要

步兵教科書目次

上海圖書館藏書



A541 212 0013 6022B

~~1027532~~

第八章 陸軍懲罰令摘要

第九章 步槍之名稱

第十章 槍之拭淨法

第十一章 革具之名稱及拭淨法

第十二章 器具之名稱及修理拂拭法

第十三章 被服裝具之名稱及清潔修理法

第十四章 步兵暫行操法摘要

第十五章 射擊教範摘要

第十六章 野外要務令摘要

第十七章 工作教範摘要

第十八章 體操教範摘要


第十九章 衛兵勤務

第二十章 赤十字條約大意

第二十一章 救急法之大要



步兵教科書目次



訓令一

軍隊教育賞備單尤貴齊一本鎮各標營以前所用各項教科書名目過繁講授不易茲由鎮司令處編定各兵種教科書頒發鎮屬各標營嗣後兵士學科均照所屬兵種教科書實施

宣統二年八月

日

陸軍第九鎮統制官徐紹楨



訓令二

步兵教科書告成自頒發之日實施

宣統二年八月

日

陸軍第九鎮統制官徐紹楨





宣統元年五月二十八日

上諭


前經憲政編查館奏定憲法大綱內載統率陸海軍之權操之自上等語
已奉

先朝諭旨頒行朕今欽遵

遺訓茲特明白宣示即依憲法大綱內所載朕爲大清帝國統率陸海軍大元帥並敬符我

太祖太宗肇基鴻業親總六師之制以振我軍人尙武圖強之心並著先行專設軍諮處贊助朕躬通籌全國陸海各軍事宜即著貝勒毓朗管理軍諮處事務朕躬現在沖齡典學之時尙未親裁大政所有朕躬親任大清帝國統率陸海軍大元帥之一切權任事宜於未親政以前暫由監國攝政

王代理以合憲法至一切應如何定擬籌辦事宜即著軍諮處隨時妥酌
奏請施行將此通諭臣民知之欽此



步兵教科書

第一章 精神講話

問何謂國體。

答合全國之制度、疆域、幅員、政治、土地、氣候、宗教、風俗之總稱。謂之國體。

問我國之國體如何。

答三代以下爲君主專制國。今將改爲君主立憲國。

問我國之國號如何。

答我國國號與他國不同。自開闢以來。歷唐、虞、夏、商、周、秦、漢、晉、隋、唐、宋、元、明。計四千餘年。各因朝代而異。及入國朝。號曰大清帝國。外人稱曰

支那。然自古及今。統稱之曰中國。或曰中華。

問我國政治之沿革如何。

答唐虞之世。舉賢共治。夏以降。君統相繼。一般人民均可參議國政。秦以降。皇權獨攬。總理萬機。民不得議矣。及我

德宗。察內外之勢。強

弱之情。知民氣之不振。實大有關於政體。故先後迭派重臣。赴東西各國。攷察憲政制度。爲將來立憲之張本。

問何謂軍人。

答上自軍統。下至兵卒。能爲國家干城者。皆曰軍人。

問何謂軍人之精神。

答忠節禮儀武勇信義樸實。謂之軍人之精神。

問何謂忠節。

答致身君國爲忠。臨死不變爲節。

問何謂禮儀。

答舉止恭敬爲禮。品行端正爲儀。

問何謂武勇。

答平時謹守軍紀風紀。不好勇鬪很爲武。臨敵不畏縮退避爲勇。

問何謂信義。

答無輕諾。無渝行爲。信。急公忘死。臨難不苟爲義。

問何謂樸實。

答無嗜好。不浪費爲樸。待人以誠懇。出言無巧飾爲實。

問國家設立軍隊之宗旨如何。

答保護國家。擴張土地。捍禦外侮。宣揚國威。故強兵即所以強國。即所以保民。

問軍人之任務如何。

答委致生命。盡力軍國。宣揚國威。保護人民。就是軍人任務。

問軍人當如何而後可以謂之盡義務。

答誠心服從上官。勉勵學術。若一旦有事。不顧身家之利害得失。奮勇敢戰。殲滅敵人。鞠躬盡瘁。死而後已。此可謂之盡義務。

問軍人對於君國當如何。

答知有君。不知有己。知有國。不知有家。

問軍人對於上官當如何。

答營中官長如同家內父兄。學問品行見識階級。皆高於我。所有命令無論如何均須服從。不可稍有抵抗辯論及不平等事。

問軍人對於同輩當如何。

答營中同輩如同家內兄弟。務須和睦親愛。出入相友。守望相助。疾病相扶持。將來方可以共患難。同生死。萬不可以各存意見。互相膜視。以及有鬪毆口角等事。

問軍人對於父母之心思當如何。

答謹守營規。黽勉學術。不使父母稍有憂慮。能爲好兵。便是好子。問出征時。父母病在垂危。當如何。

答軍人以服從爲義務。移孝作忠。亦父母所深願。

問軍人對於一般人民當如何。

答當以和氣謙讓爲主。

問軍人與百姓之關係如何。

答同爲國民。且出餉糈以供軍用。彼之家卽我之家也。

問何謂軍紀。

答軍中所定之法規。無論平時戰時。不能絲毫違背者。謂之軍紀。

問何謂有軍紀之軍隊。

答本軍人精神。服從官長。遵奉命令。謹守規則。此之謂有軍紀之軍隊。
問有軍紀之軍隊其效用如何。

答一令之下。萬眾一心。雖赴湯蹈火。有所不辭。此有軍紀之効用也。

問何謂風紀。

答保持軍人之態度及軍隊之面目。舉動嚴重。言語中節。謂之風紀。

問有風紀之軍隊如何。

答凡有風紀之軍隊。觀其容止品行。無論何時。均嚴重端莊。絲毫不苟。上下之分。亦復嚴明。秩序整然。有條不紊。此之謂有風紀之軍隊。

問有風紀之軍隊其効用如何。

答軍隊有風紀則有威嚴。有威嚴則他人敬畏。既可示威於平日。即可弭敵患於無形。其効用有如此者。

問何謂服從。

答。遵奉長官命令。毫無背違。謂之服從。

問。何謂協同一致。

答。互相協力同心。不存意見。不分畛域。共同動作。謂之協同一致。

問。軍隊中何以要協同一致。

答。軍隊若不協同一致。則團結力少。一命之下。萬衆不能齊心。紂有人億萬。不能協同一致。卒敗於周。武王有臣三千。能協同一致。卒能克商。由是觀之。軍隊之所以要協同一致者此也。

問。軍隊中不能協同一致之弊害如何。

答。雖千萬人。等於烏合。平時則各存意見。互相推諉。一臨戰陣。則望風而逃。例如甲午之戰。敗於日本。庚子之變。敗於各國聯軍。皆由不能協同。

一致有以致之也。

問軍人之最大名譽爲何。

答爲國戰死。名留竹帛。是最大名譽。

問軍人之最大不名譽者何事。

答臨陣脫逃。覩面降敵。爲最大不名譽。

問何以忍耐二字爲軍人必須之性質。

答無論何人。惟以忍耐二字爲必須之性質。在戰爭時。爲軍人者。尤爲必要。例如冒寒暑。忍苦痛。衣破不能補。食缺無以給。或連日跋涉山野。或連夜駐紮露營。而又出入彈雨槍林之下。競爭赤血黑鐵之中。觸目驚心。無非悲狀。苟非具有堅忍不拔之性質。則必聞風奔潰。臨陣脫逃。甚

或覩面請降。甘心被虜。蒙萬世不沒之差。此忍耐二字之關係有如此者。

問軍人何以事上官要如事父母。

答上官教育我等。監督我等。苦心孤詣。常期使我等爲最良善。最有名譽之軍人。實不啻父兄之望子弟。故事上官不可不如事父母。

問對於上官敬禮當如何。

答須表自己心內之敬意。端莊嚴正。決不可粗畧敷衍。

問對於上官言語當如何。

答軍人言語專以確實爲本。對於上官。尤不可稍涉虛僞。

問背於上官時之言語當如何。

答軍人尊敬上官。無論何時何地。皆當如在其前。若因上官不在面前。言

語稍有肆謾。便不成軍人。至于背地談話。有損及上官名譽。更屬不可。問上官遇有危難之際當如何。

答當竭盡心力。不顧危險。務勉力以救護之。

問被上官處罰或被叱責時當如何。

答凡被上官處罰及叱責。總由我等有違犯軍紀。紊亂風紀。或錯誤之處。切不可稍存怨恨之心。及出憤怒之言。卽令處罰或叱責稍有不當。亦決不可與之辯抗。致失服從本分。

問單獨行進間對於地方人當如何。

答單獨行進時。須取道路之左側。以無碍車馬之通行。如途遇地方人之老者幼者及婦女等。尤須讓過。又如見有車馬或行進艱難者。則與之

助力亦可。

問對於敵地之人民當如何。

答如非抗戰者。則雖敵地人民。亦當愛撫。而不得加以危害。

問對於外國人當如何。

答如對本國之地方人可也。

問如不將右之各事注意。其害安在。

答不特受人輕侮。且大有傷害軍人之態度。及消滅軍人之精神。損失軍人之名譽。故不可不注意。

問軍人之最當戒者何事。

答遊蕩與賭博是也。

問軍人之遊蕩賭博。其害安在。

答如犯此弊。不特引起自己之惡意。日流於驕惰怠慢。以誤其終身。而且波及於同隊及他隊之同輩。故當深戒。

問軍人何以要講究衛生。

答如不講究衛生。則有害身體。不能勉勵學術。即不能負重大任務。故講究衛生。不特爲自己一身之必要。且於軍國有絕大之關係。

問軍人衛生於軍國。何以有絕大之關係。

答軍人不知講究衛生。必致體育不能發達。甚或孱弱多病。遇有征戰。必盡失其戰鬪力。試問國家養此疲癯殘疾。不能任戰之軍人何用。

問服裝何以必要整齊。

答服裝不整齊。不僅有傷軍隊之體面。并不足煥發我軍人端莊之態度。
嚴正之精神。

問武器何以必要尊崇。

答武器爲軍人之魂。如無武器。固不能保持其生命。卽不能捍禦外侮。發揚國威。其關係之重。有如此者。故不可不加意尊崇。

問軍人之決心如何。

答沙場戰死。馬革裹屍。是爲軍人之決心。

問軍人如此決心。其理由何在。

答千古忠臣義士。舍生取義。殺身成仁。至今名垂不朽。大丈夫苟得死所。死亦何惜。而況於爲君死。爲國死。爲世界人羣中最有名譽之死者乎。

第二章 歷史

問我國軍界開幕第一偉人爲誰。

答軒轅氏。

問軒轅氏之功業如何。

答逞雄略。好武功。統一各部落。擒殺蚩尤。驅苗族而南。大闢疆土。

問周代亦有雄武之君主否。

答首推穆王。

問穆王之勳略如何。

答尙武功。勤遠略。討平徐夷。威振八荒。

問尊王攘夷之霸者爲誰。

答齊桓公、晉文公、宋襄公、秦穆公、楚莊王是也。

問春秋時善復國仇者當推何君。

答越王勾踐。臥薪嘗胆。誓雪國恥。整飭軍備。舉國習兵。大振國民尙武之精神。一舉滅吳。以報會稽之仇。

問我國誰爲大教育家。

答孔子。德侔天地。道冠百王。實我國上下數千年最大教育家。即以尙武而論。亦當首推孔子也。

問我國誰爲大戰術家。

答孫武。吳起。

問戰國時亦有尙武功勤遠畧之主否。

答趙武靈王有雄畧。欲拓地北邊。易胡服。習騎射。以振勵國民尙武之精神。卒破滅林胡樓煩中山諸國。

問中國威名震懾殊方者。始於何時何人。

答漢武帝尙武功。時匈奴屢寇北邊。帝遣衛青。霍去病等連破之。而匈奴不敢南下。又用兵於西域。大闢國疆。發揚國威。遠懾四夷。

問漢代名將最富忠君愛國之念者爲誰。

答漢壽亭侯關羽。

問中國威力何時爲極盛。

答唐太宗遣李靖。李勣等外征四夷。疆土幾及亞洲之半。中華武威。斯時爲極盛。

問唐代名將懾吐蕃回紇者爲何人。

答郭子儀。

問宋代有精忠報國之名將否。

答有岳飛。

問岳飛之勳業如何。

答飛精通兵法。智深勇沉。抱恢復中原之志。屢建戰功。嘗擊走金人於郾城。進軍朱仙鎮。克奏大捷。而岳家軍之威聲。遂震懾一時。

問元代有何雄主。

答世祖成吉思汗。剽悍猛勇。善用兵。崛起漠北。統一內外蒙古。畧西比利

亞。征天山南北路。由中央亞西亞侵入歐洲。又滅金報仇。

其族先曾爲金勦滅。奄

有中國北部。其足跡所至。幾遍歐亞。至今歐人猶以其禁小兒夜啼云。

問元代入主中國者爲誰。

答於元太祖阿里不哥。

問明代亦有尙武之英主否。

答明成祖長於用兵。北破蒙古。南定安南。以兵船征服南洋諸國。中國威名藉以遠播海外。

問卷首恭錄宣統元年五月二十八日

上諭一道用意何在。

答我

皇上沖齡踐祚。遵照憲法大綱。宣布

皇上爲大清帝國統率陸海軍大元帥。並敬符我

太祖

太宗肇基鴻業。親總六師之制。

天語煌煌。提倡尙武。薄海臣民。俱應虔誠悚服。我軍人更宜時時服膺也。

問

太祖

太宗親統六師。征服何地。

答

太祖

太宗征討前明。並收服蒙古諸國。迭次命駕親征。用造我

國家億萬年不拔之基。

問本朝入關後。

列聖征討不庭。開疆拓土。武功之盛。能言之否。

答

世祖定鼎中原。蕩平流寇。

聖祖親御六軍。三出絕塞。蕩平噶爾丹。悉定西海。衛藏諸部。武功震鑠。實爲亘古所未有。

高宗戡定準回二部。征服安南。緬甸諸邦。又次第平定雲貴。四川之苗。與西藏南界外之廓爾喀部。版圖之廣。尤史冊所罕見也。

問鴉片戰役之結果如何。

答林文忠公〔則徐〕焚禁英商之鴉片。英人遂開戰。擾我江海。舉國震動。道光二十二年始議和。迫我償二千一百萬元。割香港。開上海。寧波。福州。廈門。廣州。五口爲商埠。

問討平長髮捻回諸匪者爲何人。

答曾文正公、國藩、胡文忠公、林翼、左文襄公、宗棠、李文忠公、鴻章諸公。
問英法聯軍戰役之結果。

答當髮賊猖狂時。英法二國乘隙開釁。聯軍陷廣州。更犯天津。咸豐八年始議和。復敗約。十年又陷天津入京師。

文宗幸熱河。命恭親王議和於京師。先後允償銀千六百萬兩。割九龍予英。開牛莊、天津、芝罘、台灣、淡水、潮州、瓊州、鎮江、江甯、九江、漢口爲商埠。

問中法戰役之原因如何。

答越南爲我藩屬。法屢侵之。國勢日蹙。遣使來乞援。我政府勸法息兵不聽。光緒十年我援越之軍。遂與開戰。

問其結果如何。

答法以艦隊擾我沿海。突入閩江。毀我軍艦。及船廠礮台。未幾我軍大捷於鎮南關外。和議乃定。而越南竟歸法國保護。

問中日之戰役如何開釁。

答朝鮮亦爲我藩屬。日本久存覬覦之心。光緒二十年。朝鮮內亂。來乞師。日本聞之。先進軍。我政府詰責之。遂啟戰端。

問中日戰役之結局如何。

答我海陸兩軍皆爲日人所敗。舉國震恐。李文忠赴日本議和。認朝鮮爲獨立國。償銀二萬萬兩。割遼東台灣省。開重慶沙市蘇州杭州爲商埠。問中日戰後各國對我之政策如何。

答自中日和議告成。償金割地。因之各國窺伺日亟。俄租旅順口大連灣。德租膠州灣。英租威海衛。法租廣州灣。相繼而索要地。名曰租借。實與占據無異也。

問聯軍何以入京。

答戊戌以後。北方有拳匪起。假託神術。自稱義和團。簧惑愚民。脅從肇亂。庚子竟於京師攻各國使館。各國乃聯軍入都。

問聯軍入京之結局如何。

答二十六年八月。聯軍入京。顛。

德宗景皇帝奉

事。欽。顯。皇。后。西。狩。明。年。和。議。成。懲。罪。魁。償。銀。四。百。五。十。兆。兩。是。年。冬。

兩宮始回鑾還京。

問日俄戰役之原因如何。

答道光以後。俄人漸侵。創我東北部。中日戰後。俄又強租旅順。口大連灣。庚子之後。更欲據滿洲而有之。日人忌之。乃起而與俄交涉。無成議。遂宣戰。

問日俄戰役之結果如何。

答日兵攻旅順。敗俄艦。水陸並獲大勝。俄懼。遂與日議和。

問日俄戰役與我國之關係如何。

答日俄之役。滿洲實爲戰場。而我國嚴守中立。和議成。雖滿洲仍還中國。然權利已幾盡矣。

問我國之現狀如何。

答俄則西伯利亞雙線鐵道告成。支線已達於東省。又計連蒙王。西誘藏僧。以逞其蠶食之野心。日本則殖民滿洲。經營不遺餘力。近又執自由行動主義。蔑我國權。改築安奉鐵道。而滿洲將成第二之台灣。法則星夜築越嶺鐵道。經蒙自達滇垣。並增派戍兵。而雲南已危如累卵矣。

球半西

球半東



球半西



球半東



亞 利 北 西 屬 俄

新 疆
伊 犁

古 蒙 外

江 龍 黑

吉 林

海 參 崴

古 蒙 內

直 隸

奉 天

朝 鮮

日 本

海 西
藏

青 肅 甘

陝 西

山 東

京 師

威 海 衛

膠 州 灣

鮮

本

英 屬 印 度

英 屬 緬 甸

南 雲

四 川

西 北

河 南

湖 北

安 徽

蘇 州

上 海

浙 江

日 屬 台 灣

貴 州

南 廣

湖 南

江 西

福 建

廈 門

西 南

廣 東

廣 西

江 南

英 屬 香 港


葡 屬 澳 門

瓊 州

海 南

暹 羅

法 屬 安 南



第三章 地理

問人類住居何處。

答住居地球上。

問地球是何種形狀。

答橢圓形。分東半球與西半球。其南端名南極。北端名北極。

問地球之表面有何區分。

答分陸地與水部。

問地球上之陸地分幾大洲。

答分五大洲。

問五大洲之名稱。

答東半球上有亞細亞洲。歐羅巴洲。阿非利加洲。奧大利亞洲。

西半球上有亞美利加洲。此亞美利加內又分南亞美利加。北亞美利加。參觀第一圖。

問我中國在何洲。

答在亞細亞洲。

問地球上之水部分幾大洋。

答分五大洋。

問五大洋之名稱。

答太平洋。大西洋。印度洋。南極洋。北極洋。參觀第一圖。

問地球上幾大強國。

答東半球上有英國、德國、俄國、法國、奧國、意國、日本國。

西半球有美國。參觀第二圖。

問地球上之人種有幾。

答分黃種、白種、紅種、黑種、稷色種之五種。

問我中國是何種。

答是黃種。

問世界宗教有幾種。

答有儒教、佛教、道教、回教、波羅門教、耶穌教、天主教、希臘教、猶太教。

問我國崇奉何教。

答我國歷代以來。士大夫咸宗孔教。間有奉回教者。民間亦有奉佛教道。

教及入耶穌教者。又有喇嘛教盛於西藏。蔓延於內外蒙古。其源亦出於佛教。此外則有白蓮教。初亦道教之支流。而竟成邪術矣。

問我國版圖有若干方里。

答有二萬萬餘方里。

問我全國人口統計幾何。

答據光緒二十八年調查人口之數。全國人口四億一千八百四十一萬。內地十八省人口四億七百七十三萬。就中以山東、江蘇爲最密。平均計算每方里約六七十八人。

問我國邊境與何國接壤。

答東接日本朝鮮。

朝鮮原歸中國保護
今已歸併日本矣

西接英屬印度及土耳其。

南接安南。原爲中國屬國今已屬法緬甸。原屬中國今已屬英暹羅。原屬中國今已獨立

北接俄屬西伯利亞。參觀第三回

問中國行省有幾。

答有直隸、山東、山西、河南、陝西、甘肅、江西、安徽、江蘇、浙江、湖北、湖南、四川、福建、廣東、廣西、雲南、貴州、東三省、新疆。

問此外尙有何屬地。

答北有蒙古。西北有伊犁、青海。西南有西藏。

問我中國最緊要之海口被外國借去者共有幾處。

答旅順、大連灣。先是俄國定借二十五年現日本戰勝俄國即被轉借去矣

膠州灣。

已被德國借去

廣州灣。

已被法國借去

威海衛。

已被英國借去

問此外尚有良港否。

答尚有營口、天津、烟台、吳淞、廈門、舟山、三門灣等處。

問我國海軍創於何時。

答我國自安南之役，謀擴海權，始有海軍衙門之設，藉以籌辦海軍。

問我國初辦海軍時，軍港在於何處。

答在旅順口及威海衛。自中日戰爭後，中國海軍一蹶不振。

問我國若無海軍，有何害處。

答我國東南瀕海，若無海軍，一旦有事，則海上威權將斷送敵人之手，我

無制海權，我軍即不能出海口一步，以與敵爭鋒，爲害最巨。

問我國現在海軍何如。

答我國現已特設海軍處。去歲洵薩兩大臣游歷歐美。攷查海軍制度。又擬多派留學海軍學生。并在直奉江浙閩粵魯沿海諸省。建設海軍學堂。以爲造就海軍人才之計。惟製造軍艦。建築軍港。需款甚鉅。籌畫尙復不易耳。

問我國陸軍經陸軍部奏定全國應練三十六鎮。現已成立幾鎮。

答宣統元年以前。僅成十鎮。照籌辦計畫。宣統四年。即須全體成立也。

問我國地形。西北與東南。有何區別。

答西北多平坦開闊地。東南多蔭蔽起伏地。

問中國商業如何。

答年來出口貨日少。進口貨日多。觀此可知商業之不振。

問中國工業如何。

答近年各省雖漸次設有工場。然所製造之物品。猶恐不足抵制洋貨。

問中國農業如何。

答年來水旱頻仍。饑饉相望。農業之不發達。此其一證。

問中國邊省情形如何。

答法國所經營之滇越鐵路。已達雲南省城。並增派戍兵。雲南已危如累卵。

又日本經營東三省。不遺餘力。以殖民政策。移住多數之日人。一以侵略主義強築鐵路。一以搜括主義強奪利權。

又俄國之西伯利亞雙線鐵道已漸告成。其支線已達於東省及威海衛等處。且屢以甘言誘我藏僧。及以強力奪我新甘蒙諸處利權。

問中國不強將如何結局。

答外國之滅國亡種如波蘭印度皆由于不能自強。中國若不強何堪設想。

問中國宜如何而後可以圖強。

答宜整頓陸海軍。

問陸軍宜如何而後可以言頓整。

答必舉國皆兵。又必人人皆知忠君愛國親上死長之義。而後可以言整頓。



第四章 各兵種之性能

問陸軍之兵種分若干科與若干部。

答分六兵科與四部。

問六兵科與四部之名稱如何。

答 步隊 馬隊 礮隊 工程隊 輜重隊 陸軍警察 爲六兵科

經理部 衛生部 馬醫部 軍樂部 爲四部

問何謂陸軍警察。

答平時逮捕軍人及其他之犯法者。戰時在戰鬪部隊之後方。維持軍人之風紀。

問步兵之性能如何。

答步兵使用步槍及刺刀。徒步以行戰鬥。其人員効用。較諸兵種爲優。故推爲戰鬥之主兵。

問馬兵之性能如何。

答馬兵利用運動之速。以任搜索警戒通信破壞。又乘馬用刀。下馬用槍。

從事戰鬥。

問礮兵之性能如何。

答礮兵之火力既遠且猛。足以殺傷人馬。破壞土作物。以振士氣。

問礮兵分幾種。

答礮兵分野戰礮兵。及重礮兵二種。野戰礮兵分爲野砲兵及山砲兵。又重砲兵分爲野戰重砲兵及徒步砲兵。

問工兵之性能如何。

答築堡壘。架軍橋。修道路。設電信電話。及破壞以上諸種之工作物。有時則用小槍從事戰鬥。與步兵同。

問輜重兵之性能如何。

答在以車輛馱馬。專任彈藥糧食衛生材料及其他行李輜重之搬運。

問步隊馬隊附屬機關槍何用。

答機關槍射擊極速。(每分鐘可放六百發)決戰或急襲等時用之。

問何謂特設部隊。

答如鐵道隊。電信電話隊。輕氣球隊等。

問何謂交通隊。

答鐵道隊電信電話隊輕氣球隊之總稱。

問何謂鐵道隊。

答鐵道隊者以敷設修繕及破壞鐵道爲任務。又司運轉火車及通信之事。

問何謂電信電話隊。

答電信電話隊者以架設修繕或破壞電線及通信爲任務者也。

問何謂輕氣球隊。

答使用輕氣球以任搜索警戒及通信勤務者也。

問經理部之主務如何。

答管理金錢之出入及糧食被服等事。

問衛生部之主務如何。

答掌管軍隊衛生之事。及治療軍人軍屬之傷痍疾病者也。

問馬醫部之主務如何。

答掌管軍馬之衛生及治療軍馬一切之疾病者也。

問軍樂部之主務如何。

答舉行儀式。則藉壯觀瞻。戰時出征。則用慰勳勞。

問禁衛軍之主務如何。

答在平時則直接任 皇宮之守衛。在戰時則與一般軍隊同參戰。

問何謂軍屬。

答奉職於陸軍之文官及曾經舉行讀法宣誓之式者。謂之軍屬。馬夫看

病人等皆是。

團隊編成之概要

問一軍之編或如何。

答至少兩鎮以上。

問一鎮之編成如何。

答每一鎮步隊兩協。馬隊砲隊各一標。工程輜重各一營。至於軍樂隊及特設部隊等。不必每鎮皆有。

問步隊一協之編成如何。

答步隊兩標。

問步馬砲一標之編成如何。

答步馬砲隊每標三營。

問步隊一營之編成如何。

答每標三營。每營分四隊。每隊分三排。每排分三棚。每棚目兵若干名。

問馬隊一營之編成如何。

答每營分四隊。每隊二排。每排二棚。每棚目兵若干名。

問野戰砲兵一營之編成如何。

答每營分三隊。每隊三排。每排三棚。每棚目兵若干名。每隊砲六門。

問工程隊一營之編成如何。

答每鎮一營。每營分四隊。每隊三排。每排三棚。每棚目兵若干名。

問輜重隊一營之編成如何。

答每鎮一營。每營分四隊。每隊三排。每排三棚。每棚目兵若干名。

武官之階級及服制

武官之階級用一覽表。服制用一覽圖。較爲明確。故從畧。

陸軍武官之階級一覽表

軍		官	
上	第一級	提督	總司令
等	第二級	總督	總司令
	第三級	兵副將	總司令
中	第一級	將參	總司令
	第二級	將游	總司令
等	第三級	擊都	總司令
	第一級	司守	總司令
下	第二級	備千	總司令
	第三級	總把	總司令
等	第三級	總	總司令

步兵教科書

五五

佐 軍

			總執法官	總軍醫官	總軍需官
	一 等 書記官	總馬醫官	正執法官	正軍醫官	正軍需官
	二 等 書記官	正馬醫官		副軍醫官	副軍需官
	三 等 書記官			軍醫長	軍需長
司 號 官 司 號 長	書記官	軍醫長		醫 生	
	司 事 生	查 馬 長 馬 醫 生			

步兵隊卒之等級表

正目	馬弁	護目	號目	匠目	醫兵目
副目		護兵	號兵	匠兵	醫兵
正兵					
副兵					
備補兵					



第五章 軍隊內務摘要

服從定則

問何謂服從。

答誠心誠意。服從上官之命令及其告諭。遇事和平恭敬遵奉而行。是之謂服從。

問軍隊何以要服從。

答能服從然後軍紀立。有軍紀然後能奏協同一致之功。故軍隊以服從爲第一要務。

問服從僅對於所屬之上官否。

答對於陸海軍及與我同盟國陸海軍之上官亦然。

問何謂同盟國。

答立過同盟條約之國皆是。

問服從僅對於上官行之否。

答不僅對於上官宜服從。即對於同級中之資深者亦然。如新入伍者須服從先入伍之人。

問不能判然了解上官之命令時當如何。

答其不解處不妨敬謹質問。

問新受命令與前之命令不合時當如何。

答將其始末稟明新授命令之上官而後奉行。此指平時而言。

衛生事務定則

問患病欲受診當如何。

答於早點名時先報告班長。俟通報值日正目。

問臨時患病。若欲就診當如何。

答先報告班長。由班長申告於值日排長。至開診時或臨時。由值日正目率領至醫務室診視。

問何謂就業。

答只服湯藥。其業務仍照常施行。但有時准免操練。另服他種勤務或減其術科之一部。是謂之就業。

問何謂入院。

答入衛戍病院而受治療者謂之入院。

問何謂半休。

答患病較輕。僅就學科而免術科。在兵舍內聊爲休養者。謂之半休。但不
得就寢。

問何謂全休。

答患病較重。不就學術兩科。在休養室調養者。謂之全休。

問何謂一等症。

答因公務而生之疾病。(如器械體操而致負傷等)

問何謂二等症。

答自然發發生疾病。(如傷風等類)

問何謂三等症。

答因不知保攝。不顧品行所發生之疾病。如因暴飲暴食而生之胃腸病。及花柳病等類。患此者有時按其病原處以相當處分。

值日定則

問值日官因何而設。

答維持營內之軍紀風紀。監督實行一切規則而設。

問值日分幾等。

答分三等。標值日。營值日。隊值日。

問標值日誰爲之。

答管帶任之。附司書生(或正目)一員。傳令兵三名。

問營值日誰爲之。

答隊官任之。附正目一名。傳令兵一名或二名。

問隊值日誰爲之。

答排長任之。附正目及傳令兵一名。

問番兵之任務如何。

答起床受檢查後。卽灑掃兵舍內外。無論何時。不可使有污穢。本排之兵出操時。並有看護物品之責。

營中日課定則

問每日上課時刻以何爲準。

答平時則據風紀衛兵之號音。如遇變更。另候通報。

問每日點名有幾次。

答有兩次。早點名。晚點名。

問早晚點名因何而設。

答早點名檢查有無懶惰及臥病不起者。晚點名檢查人數有無私行外出者。

起居定則

問每早聞起床號音時當作何事。

答着整服裝。立於床前。聽候點名。

問有病者當如何。

答點名時將病原報告班長。值日正目。代稟值日排長。受其檢查。
問早點名後作何事。

答開放窗戶。刷理被服。整疊於規定之位置。及洗臉擦槍等事。

問欲使室內清潔當如何。

答母散亂物品。隨意吐痰。亂擲烟屑。擅潑茶水。則室內自然清潔。

問目兵於所定之時間外。何時可以就寢。

答放假日及有特別許可之時。可以就寢。

問欲使室內安靜當如何。

答母唱歌吟詩。高聲談笑。及互相爭論。則室內自然安靜。膳時尤當靜肅。

問何處禁止吃烟。

答彈藥庫。軍裝庫。柴草場等處。

問窗牖棹欖。內外牆壁。何以不可塗抹字跡及擅行敲釘或損壞等事。

答目兵若有此等舉動。不特有碍物品之保存。且亦大壞軍紀。

問因自己不注意。致物品破壞或遺失時當如何。

答除受相當之懲罰外。仍照物價賠償。

問物品之擦洗可携至規定以外之地方否。

答除所定地方外。均屬禁止。

問保持窗外之潔淨當如何。

答不准投棄雜物。懸曬衣服。或就窗邊削物及潑水等事。

問營內何處不可妄行。

答廚房、浴室、洗衣處、工場、馬房等處。

問持物件出營時當如何。

答先稟明值日正目。轉稟值日排長許可後。再領證據。然後外出。
問窗之開閉何以非照規定章程不可。

答室內溫度可以適宜。各窗之高下亦得一致。衛生風紀。兩得其當。故必
遵奉規定。

問衣服平常應如何注意。

答拂去塵垢。勤加洗濯。勿使稍有污損。又未經許可之時。不得擅解衣鈕。
敞開胸部。

問欲使身體潔淨當如何注意。

答勤加沐浴。務使身體各部不存點末塵垢。至於剪爪刷牙等事。尤不可
忽。

問室內不置濕物是何緣故。

答室內置有濕物。則濕氣蒸發。有碍衛生。故曬晾場及曬物場。皆設置於遊廊之外。

檢查定則

問檢查有幾種。

答三種。武裝檢查、清潔檢查、細密檢查是也。

問何謂武裝檢查。

答爲齊一武裝起見。配着戰時必要之武裝。整列於指定之地。由各隊長

檢查着裝之是否整齊。謂之武裝檢查。

問何謂清潔檢查。

答由隊上各官長檢查舍內武器被服裝具寢具諸物品之清潔。以及修理之良好與否。謂之清潔檢查。

問何謂細密檢查。

答由各隊長細密檢查其兵器被服及其他諸物中小部分之清潔整理與否。及保存之良惡。謂之細密檢查。

外出定則

問日兵何日許可外出。

答星期、節期、萬壽及慶賀等日特別休假日。

問假日外出限何時歸營。

答晚飯時刻以前必須歸營。

問臨時有不得已之事故。必須外出時當如何。

答將其事稟明正目。由正目報告值日排長。由排長稟知隊官。受隊官許可然後外出。

問外出服裝如何。

答着軍服。束皮帶。持軍隊手牒而出。天雨時。穿着絆腿外套。

問天陰外出。外套如何攜帶。

答橫捲成條。從左肩斜掛於右腋下。

問因公事外出。攜何證據。

答持外出證。受營門步哨之檢查而後出。

風紀衛兵定則

問風紀衛兵因何而設。

答維持營內一般軍紀風紀。擔任一切警戒而設。(參照衛兵勤務)

營倉定則

問設營倉何意。

答禁錮被罰者使之悔過。

問營倉分幾種。

答分二種。一重營倉。二輕營倉。

問入營倉准帶私物否。

答牙刷手巾及課本外一切私物概不准攜入。

問在營倉內患病時則如何。

答將其事報告步哨。轉報衛兵司令。由衛兵司令通知該兵所屬長官。知

照軍醫診視。

問在營倉內最宜遵守者何事。

答宜靜肅守規。不可污損牆壁及破壞窗門等事。

營鋪

營中賣食用雜物者

定則

問營鋪因何而設。

答爲求便利。目兵購買質良價賤之日用品及飲食物等而設。

問在營鋪中飲食時如何。

答宜注意靜肅。所置物件。不可亂取。且不得損壞。

問營鋪物品低劣或售價較高時當如何。

答不可直接與商人爭論。須稟明所屬官長。聽候查究。

第六章 陸軍禮節摘要

問敬禮大綱。分若干條。

答約分五條。一官兵相見敬禮。二官兵相遇敬禮。三軍隊相遇敬禮。四軍

隊操演敬禮。五衛戍衛兵敬禮。

問敬禮法之種類如何。

答注目立正。舉手。舉刀。舉槍。

問敬禮之意旨如何。

答尊其官職。表示敬意。

問敬禮中何者最爲緊要。

答須注精神於受禮者之目。若上官答禮未畢。不可先行畢禮。

其一 官兵相見敬禮

答入上官室內時當如何敬禮。

答在上官五六步之前。持槍則行舉槍禮。徒手則行舉手禮。（如室內小則不拘）

問室內接受或呈遞上官公牘及一切物件時應如何。

答行禮後向前。用右手接受或呈遞畢。再行禮退出。（持槍時則行立正禮呈遞或接受可用左手）

問上官進入室內時當如何。

答先見者喊立正。其餘均在原位立正。以待上官命令。（上官出去時禮同）

問上官經過室外時當如何。

答先見者亦喊立正。俟上官通過後。即喊稍息。

問如在講堂上官進來時當如何。

答聽教官之口令敬禮。

問進室內見數上官時當如何。

答先敬禮其最高級者。次乃一同敬禮。

其二 官兵相遇敬禮

問路遇標旗或上官時當如何。

答須停止道之一側行舉手禮。(在五步之前即行敬禮過五步之後即行禮畢以下倣此)

問上官未着軍服時亦敬禮否。

答遇認識之上官雖未着軍服亦當敬禮。

問遇同級者如何。

答互相敬禮。以益友誼。而表親愛。以先敬禮者爲榮。後敬禮者爲恥。

問對於海軍之人當如何。

答與陸軍之禮節同。

問遇同盟國海陸軍軍人當如何。

答與我國海陸軍同。

問遇見查街令箭敬禮否。

問見令箭如見上官亦應敬禮。

問上官同行時當如何。

答跟隨上官之後或兩側。如乘船上火車等事。則爲上官之前導。

問如手携物件遇上官時當如何。

答無庸舉手。只換正步行注目禮。(兩手有物不能舉手時行此禮。若可交左手則用舉手禮。)

問從上官之窓前通過時當如何。

答如見上官在窓內亦應敬禮。

問有目兵多人在一處。上官經過其側當如何。

答先見上官者喊立正。其餘就原位注目立正。

問在道路轉灣處遙見上官。或自己欲轉灣而忽見上官時當如何。

答無論上官有無看見。不拘遠近均當敬禮。

問目兵可越過上官前行否。

答如有緊急事件。敬禮後再陳明前行。否則不能越過。

問路遇軍隊。或經過軍隊之旁當如何。

答對帶隊官長行立正舉手禮。對隊伍行正步注目禮。

問在坐車時遇上官當如何。

答上官步行時應下車敬禮。

（如在熱鬧處所可無需下車）

上官乘馬或坐車時注目舉

手正身敬禮。

問遇軍人之靈柩時當如何。

答不問其等級之高下。當對其靈柩敬禮。以表哀情。

其三 軍隊相遇敬禮

問隊伍遇標旗上官時當如何。

答由指揮官發令敬禮。

問軍隊互相途遇時當如何。

答各讓道路之一側。聽指揮官口令敬禮。

其四 軍隊操演敬禮

問在操場操演時。上官猝來當如何。

答由指揮官發令敬禮。

問軍隊在野外已在演習實施中敬禮否。

答不敬禮。(但傳令使通過上官之旁時須高呼傳令二字不必敬禮斥候步哨等概不敬禮)

第七章 陸軍刑法摘要

問刑法之區分如何。

答一死刑。二禁監刑。

問何事應受死刑。

答一臨陣進退不候號令及戰後不歸伍者。

二臨陣回顧退縮及交頭接耳私語者。

三臨陣探報不實詐功冒賞者。

四守卡不嚴敵得偷過及稟報遲誤先自驚走者。

五臨陣奉命怠慢有誤戎機者。

六在近戰時官長陣歿。目兵援護不力無一傷亡。及頭目戰
士並無傷亡者。悉斬以殉。本棚兵

七臨陣失火誤事者。

八行陣遺失軍械及臨陣未經受傷拋棄軍械者。

九騷擾居民搶掠財物姦淫婦女者。

十結盟立會造謠惑衆者。

十一黑夜驚呼疾走亂伍者。

十二持械鬥毆及聚衆鬪鬧者。

十三有意違抗軍令及凌辱本管官長者。

十四弁目有意縱兵擾民者。

洩漏機密應受刑法之事例

問軍事上秘密圖畫文書等。未經派令經管。而私自探知或收集者。當處以何罪。

答分別情節輕重。科以十年未滿五年以上監禁刑。在戒嚴時科以二十年未滿十年以上監禁刑。在戰時科以永遠監禁刑或死刑。

問軍事上秘密圖畫文書等偶然得知而擅自布示公衆。或洩告或交付一人以上者當處以何罪。

答分別情節輕重科以五年未滿三年以上監禁刑。在戒嚴時科以十年未滿五年以上監禁刑。在戰時科以二十年未滿十年以上監禁刑。或永遠監禁刑。

問職務上所掌管或承辦之軍事秘密圖畫文書等或洩漏或交付一人以上者當處以何罪。

答分別情節輕重處以二十年未滿十年以上監禁刑。或受人請託。或受人賄賂。在戒嚴時及戰時均科以死刑。所受賄賂並繳入官。

問凡軍事港灣要塞水旱雷敷設所在及製造軍火船械各廠或其他各

種防禦建築物。未經該管長官允准。而擅自測量摹寫攝影或記錄其情形者。當處以何罪。

答分別情節輕重處以十年未滿五年以上監禁刑。在戒嚴時科以二十年未滿十年以上監禁刑。在戰時科以永遠監禁刑或死刑。

問如於上述各該處等。未經該管長官允准擅入窺伺者。當處以何罪。

答分別情節輕重科以五年未滿三年以上監禁刑。在戒嚴時科以十年未滿五年以上監禁刑。在戰時科以二十年未滿十年以上監禁刑。或永遠監禁刑。

問未經公布軍事圖畫文書等。遽行洩告。交付一人以上者。當處何罪。答分別情節輕重。科以三年未滿一年以上監禁刑。其在戰時或戒嚴時

加一等科罪。

問凡圖犯以上各款未成者。應處以何罪。

答依各款所載減一等科罪。

問違犯以上條款不止一次者。當處以何罪。

答除死罪外應照各款加一等治罪。

問二人以上共同實行違犯者。當如何辦理。

答皆以正犯論。

問唆人違犯者可謂之正犯否。

答亦是正犯。

問如有常人與軍人共犯者當如何辦理。

答皆以正犯論。

第八章 陸軍懲罰令摘要 附懲治逃亡章程

問罰令之區分有幾。

答分輕禁閉。重禁閉。及重禁閉兼充苦役三種。

問何謂輕禁閉。

答除操演外其餘一切勤務概行停止。即入禁閉室。受衛兵長及其所屬管束。每餐祇給飯食開水食鹽三項。應睡時給與被褥。並於禁閉期按日罰餉銀十分之一。

問何謂重禁閉。

答被褥間一日給一次。並於禁閉期內按日罰餉銀十分之二。其餘辦法

與輕禁閉同。

問何謂重禁閉兼充苦役。

答除受重禁閉之懲罰外。每日由衛兵長及所屬官長督率執行營內雜役苦工等事。

問禁閉之期限以若干日爲度。

答以一日以上至三十日爲度。

問禁閉期滿如尙不足以蔽辜當如何。

答可酌定一月以內放假日不准出營或不准懸掛獎牌。

問目兵若受罰不悛當如何處治。

答卽行降級。被降之後。若能改過自新。則自降級之日起算。六個月後酌

量開復。若再怙過不悛。卽按情節之輕重。加等懲治。

問在禁閉期內遇有疾病當如何。

答須報明所管官長。知照軍醫診治。或經官長之許可。移赴醫院調理。或自行延醫診視。但不得故裝疾病。以圖倖免。

問罰禁閉之時可改用他種相當之懲罰否。

答可改罰禁足及苦役。

問改罰禁足苦役之法如何。

答重禁閉一日。折算禁足苦役三日。輕禁閉一日。折算禁足苦役二日。其罰禁足或苦役之時須罰餉銀十分之二或十分之一。

問何謂禁足。

答除勤務操演外不准出營。(倘遇水火災害及疾病等事不在此限)

問何謂苦役。

問除勤務演習之外不准出營使充雜差苦役。

問應受懲罰之事例如何。

答一公家騾馬調護失宜者。

二擅用公物者。

三公家物件收藏及移運不謹慎者。

四有誤物件之調製貯藏運搬及支給者。

五不照定章經理軍械服裝及一切公物者。

六誤毀公物或遺失及污損者。

七文牘繕寫算數有誤者。

八誤解命令或傳達遲誤者。

九不遵法規命令或誹謗者。

十訓導有違定式者。

十一辦事疏忽有誤職務者。

十二見海陸營軍官長及訂有條約各國之海陸軍官長不照奏定行

營禮節敬禮者。

十三擅離職守者。

十四遲誤操課或臨場不到者。

十五有誤召集之期。或奉差外出有歸着之期。及行軍時有誤起程或

搭乘車艦之期者。

十六不專心操課者。

十七不應閱看之書籍及未經允准閱看之報章而私閱者。

十八僞托病症事故而思遁逃勤務躲閃操課者。

十九服裝不照定章及不整潔者。

二十語言動作有失軍人體統者。

二十一語言失實及妄言人過者。

二十二典賣寄存財物者借用財物者。

二十三私債拖欠轆轤不清者。

二十四污穢居室有碍衛生者。

二十五私自使用夫役及妄遣平民以供奔走者。

二十六罵詈侮慢或互相訕謗未行持械鬥毆者。

二十七暴行脅迫及亂行拔劍者。

二十八對官長抗言倨傲者。

二十九酗酒賭博者。

三十跡近招搖或事不干己橫行干預。及干預學界商界一切民事所犯情節較輕者。

三十一非營中所宜有之物携存營內者。

三十二請假逾限在五日以內不歸者。

三十三偷窺他人囊篋者。

三十四素行不修者習尙不潔者。

三十五已知犯過而曲行掩飾及袒護所屬過犯者。

懲治逃亡章程

問目兵犯逃亡時應治以何罪。

答視所犯情節輕重處以死刑或監禁刑。

問例應監禁時如該犯兵尙堪造就則如何。

答可將監禁刑改爲重禁閉俾得仍充兵役。

問軍人擅離職守或軍隊所在過五日者當如何辦法。

答以逃亡論處以一月以上一年未滿監禁刑。

問逃亡時若將官給服裝同時携去者當如何辦法。

答處以十年以上二十年未滿監禁刑。

問入營未滿三月之新兵逃亡時如何處治。

答減一等處治。

問目兵於戒嚴時擅離職守或軍隊所在者當如何處治。

答以逃亡論處以五年以上十年未滿監禁刑。

問於戒嚴時逃亡且將官給器械馬匹携去者當如何處治。

答處以永遠監禁刑。

問目兵於敵前攻守時擅離職守所在者當如何處罪。

答以逃亡論不論已未携帶官給服裝器械馬匹等均處以死刑。

問目兵三人以上共犯逃亡之罪者當如何處治。

答首魁處以永遠監禁刑。從犯處以一月以上一年未滿監禁刑。

問於戒嚴時目兵三人以上共犯逃亡之罪者當如何處治。

答首魁處以死刑。從犯處以五年以上十年未滿監禁刑。

問於敵前攻守時目兵三人以上共犯逃亡之罪者當如何處治。

答不論首從均處以死刑。

問目兵三人以上共犯逃亡並將官給服裝器械馬匹等携去當處以何罪。

答不論平時戒嚴時無分首從均處以死刑。

問凡犯逃亡之後於十日內自行投首者當如何辦理。

答減一等治罪。

問凡再犯逃亡或三犯逃亡者當如何辦理。

答如非死罪再犯者加一等懲治。三犯者加二等懲治。

問日兵逃亡一日自行回營者當如何懲罰。

答罰重禁閉七日。

問日兵逃亡一日被緝回者當如何懲罰。

答罰重禁閉十四日。

問日兵逃亡二日至三日自回者應如何懲罰。

答罰重禁閉十四日。

問日兵逃亡二日至三日被緝回者當如何懲罰。

答罰重禁閉二十一日。

問目兵逃亡四日至五日被緝回者。應如何懲罰。

答罰重禁閉一月。

問目兵請假逾期在五日以內自回或緝回者。當如何懲罰。

答按逾期日數。依上述諸項各減一等處治。

第九章 步槍之名稱

問現用步槍何名。

答日本明治三十年式步兵槍。

問此槍之功用有幾。

答功用有八。一飛路低伸速率極大。穿透力亦堅。二開放靈便。三槍筒堅固。即多放子彈。雨暘暴露。亦不致炸裂損壞。四質甚輕巧。運

絕靈便。五無論臥跪站時。皆能快裝快放。六一切零件之製造。精巧堅固。裝卸易速。七重點在機子間。舉托穩便。八口徑僅六米里五。

問射程若干。

答最大射程四千密達。有效射程二千密達。

問此槍有幾大件。

答六大件。一槍筒。二瞄準機件。三槍尾全機。四槍托。五裝鏡

零件。六刺刀。

問槍筒外之染烘。有何功用。

答有三。一維持槍身經久不銹。二瞄準時不致招陽光炫目。三無

返照之光不觸敵眼。

問何謂槍膛。

答槍身內彈丸通過之孔曰槍膛。

問槍膛共有幾段。

答分爲前後二段。有膛線曰來復綫。膛後段無膛綫曰子彈膛。又曰光膛。

問何謂來復綫。

答槍膛內所具六條之螺旋綫曰來復綫。

問來復綫之功用若何。

答此綫向右旋轉。能使子彈密接環繞。出口直向前往。在空氣中不致有顛倒之弊。

問何謂子彈膛。

答裝填後位置彈丸之部分。曰子彈膛。

問子彈與槍膛孰大。

答其大相同。使子彈密接膛內。不致藥氣旁洩。

問槍身上面最要部分何物。

答瞄準機件。

問何謂瞄準機件。

答表尺及準星。

問表尺何用。

答表尺可隨意起落。以定遠近。附有線牌抽牌呆碼等三件。

問何謂線牌。

答綫牌上刻劃密達數碼。左邊五百密達至一千九百。右邊六百密達至一千八百。最低缺口爲四百密達。最高缺口爲二千密達。

問何謂抽牌。

答活附於綫牌可以上下移動者曰抽牌。

問何謂呆碼。

答瞄準時無須表尺豎立。能自準星頂窺見之缺口處曰呆碼。

問呆碼能擊若干遠。

答三百密達。

問準星何用。

答以定準點。

問何謂準星頂。

答準星之尖頂曰準星頂。

問何謂準星座。

答準星附於槍身之部分曰準星座。

問槍尾全機分爲幾件。

答三件 一機槽附板機管

二機子。

三子巢機件。

問機槽有何功用。

答爲裝置機子及子巢機件之用。

問機槽上有兩小孔何用。

答以散瓦斯。名曰瓦斯孔。

問板機何用。

答板機與擋機筭之離合。為施放之機關。

問機子各部之名稱云何。

答機頂。附退子鈎 機筒。附機柄 阻簧管。附擋機筭 機尾套。附保險鈎 撞針。附螺簧 機尾螺

柱。

問機頂何用。

答頂送子彈並塞閉彈膛。使藥氣無從後洩。

問機筒何用。

答機筒外有機柄。藉以開閉機子。內分前膛後膛。前膛容機頂後節及撞

針蟠簧。後膛則納阻簧管及機尾套。

問撞針何用。

答藉蟠簧之彈力。其尖能擊燃彈壳引火。

問子巢機件有幾。

答有四。一子巢。二子托。三灣簧。四巢底飯。

問子巢何用。

答收容子托用灣簧。并及以安藏子彈。

問子托何用。

答依灣簧之彈力。用以上托子彈。

問槍托功用有幾。

答有三。一聯絡各件便於使用。二有防護槍身灣曲及損傷之利。三持久射擊。槍身雖熱。於射手尙無妨碍。

問槍托分有幾部。

答三部。一前托。〔附木護手〕。二握把。三托尾。

問前托兩旁近表尺處。各有長槽一道何用。

答使瞄準時左手各指。易於穩托。

問何謂握把。

答射擊時右手所握之部分。曰握把。

問何謂托尾。

答射擊時穩置肩凹。使反動力減少之部分。爲托尾。

問木護手何用。

答以防槍身炎熱。免致烙手之弊。

問裝鑲零件之名稱。

答前籬。(附撐簧刺刀陽筍)後籬。(附撐簧皮帶環)護手套。(附長短螺

柱)托底鋏通條。

問前後籬何用。

答用以管束槍身槍托。

問護手套何用。

答保護板機。

問何謂托底鋏。

答卽托尾底之鋼飯。

問通條之功用有幾。

答有四。一刺於搭槍架。二擦槍膛時如無洗把可以代用。三退子
鈎損壞時能以通出彈壳。四拆卸機子時可以抵撞針尖。

問刺刀何用。

答接戰時刺敵之用。

問刀身兩面製有凹溝何用。

答此爲血道。刺入時血經此出。使人立死。且血聚其中取出卽淋不致沾
染他處。並可減輕重量。

問刀柄各部之名稱。

答刺刀陽筍溝。陽筍。筍黃。

問刀鞘各部之名稱。

答刀鞘鐵箍。鐵箍螺絲。刀身褲簧鯉口。

問此槍附屬物件有幾。

答有五槍口帽。洗把。子彈膛掃除器。起子。油壺。

問槍口蓋何用。

答不致塵灰侵入槍膛。並可保護準星。不致磨碰。

問若以木栓紙栓。蓋塞槍口。可代槍口蓋之用否。

答不可。因槍口易於生銹。

問洗把何用。

答掃拭槍膛。

問掃除器何用。

答掃除彈膛及機槽各處之用。

問起子何用。

答拆卸槍件時。旋轉各螺釘之用。

問使用起子時。應如何注意。

答須全簷入螺絲頭之溝內。而後直立。緩緩旋轉。

問攜帶預備之槍件有幾。

答有十。機頂。退子鈎。頂壳針。撞針。蟠簧。機尾螺絲。阻簧。

管。機尾套。機筯。灣簧。

問置槍勿用之時。應如何注意。

答須將撞針放下。以免蟠簧受壓迫之患。

問此槍用何種火藥。

答無烟火藥。

問子彈分幾種。

答三種。真子。放響子。假子。

問真子零件幾何。

答有四。一彈丸。二彈殼。三引火。四火藥。

問彈丸以何種質料製成。

答鉛體外面包以白銅。

問子夾何用。

答以夾束子彈。(每夾五顆)

第十章 步槍拭淨法

問步槍拭淨之時兵士可以隨便分解者爲何物。

答皮帶。通條。機頂。子托。

問槍之拭淨共分幾種。

答有分普通拭淨。細密拭淨。射擊後拭淨三種。

問其中最緊要者爲何種。

答射擊後之拭淨。

問何以射擊後之拭淨最爲緊要。

答因射擊後。膛內積有渣滓。最易發銹之故。

問普通拭淨行於何時。

答演習使用後。或槍身內外附着塵土之時。

問何爲細密拭淨。

答將槍全副機件。悉行卸開。逐一擦拭。謂之細密拭淨。

問細密拭淨行於何時。

答大演習後。或經久不用之槍。惟須聽候命令。方能施行。

問拭淨宜用何油。

答純精之槍油。

問拭淨槍膛時。須用何物。

答通常用洗把并通條。

問槍膛之拭淨法如何。

答先將機子脫去。以軟布纏於洗把上。反覆擦拭。至膛內光亮爲度。或用軟麻繩。由槍口送入。拉擦數回亦可。（但拉擦時須平直。切不可歪斜。致損膛綫。）再用潔淨浸油布片。塗油少許於膛內。若射擊後淨拭槍膛。應先拭以浸油之布片。再如上法擦之。

問子彈膛之掃除法如何。

答子彈膛之後端機頂室最難掃除。有污垢時。當捲布片於掃除器上。或微軟竹片。徐徐掃除。然後適宜塗油。

問機槽如何拭淨。

答將機子脫去。以軟布拂拭潔淨。而後適宜塗油。

問表尺如何拭淨。

答先須滴油後將抽牌上下數次。再用油布拭淨。樞軸亦滴油少許。

問鎗上何處塗油須多。

答表尺脚機頂及其他摩擦部。

問鎗尾全機部之拭淨法如何。

答通常僅拭其外面。雨雪行軍之後。或遇塵沙浸入槽內。即將機子子托

卸下一體拭淨。再適宜塗油。

問擦拭子托時應如何注意。

答須慎防拆損灣簧。

問鎗托之拭淨法如何。

答先以乾布片拭去埃垢。稍塗亞麻仁油。再以軟質乾布片拭淨。以煥發

光澤爲度。

問刺刀裝鑲零件。應如何拭淨。

答先塗油少許。而後以乾布拭之。

問刺刀何以不可塗油過多。

答恐油溜於鞘底。刺刀尖易生銹斑及損鐵質。

問染烘部之拭淨法如何。

答用軟布拭之。最忌用摩粉摩擦。致生光澤。

問染烘部已生鏽。當如何拭淨。

答拭以乾布片而後注油。經過二、三小時。再以新布片摩擦。適宜塗油。或仍不能掃除。使鎗匠代爲拭淨。

問未經染烘部如何拭淨。

答用油布摩擦至呈霜色而止。弗使生有光澤。

問未經染烘部已發生鏽。應如何拭淨。

答用揮發油擦去鏽。然後再將揮發油拭淨。再塗槍油。

問洗把布片等墮地後。應注意何事。

答宜檢查有無塵土沾粘。須拭除淨盡。而後使用。

問槍於萬不得已時。置於地上。應如何注意。

答勿使槍口表尺及機關部與地面直接接觸。

問土砂雪片侵入槍膛時應如何處置。

答無論何時先行拭除。以免射擊時之貽誤。

問槍於雨雪行軍之時應如何注意。

答預塗濃厚礦油或臘。於槍身及槍托之接着部。以防水氣之浸入。

問通條或布片阻塞槍膛內及誤將槍衝損時應如何處置。

答速行報告直接上官查驗。聽候飭匠整理。

問行軍演習及搬運物件時攜有槍件應如何注意。

答勿使碰觸堅硬之物及與背囊負帶所附之金類相摩擦。致損壞槍托

及漆澤。

問置槍於架上及致托尾於地上宜如何注意。

答須輕緩。

第十一章 革具之名稱及拭淨法

問何謂革具。須就實物指問

答背囊、子彈盒、皮帶、工具皮套、刀鞘、插皮圈等是也。

問革具拭淨後其塗油之適度與否如何驗知。

答將皮革屈折不生龜裂。放伸後色仍不變。即知塗油適度。

問普通革具之拭淨如何。

答使用後以毛刷或乾布拭去塵埃污垢。更以浸油少許之布片摩擦之。

問革具應用何種油塗擦。

答用鯨油及複合油。

問革具塗油之程度如何。

答多脂牛革須多塗。堅牛革須少塗。

問何謂多脂牛革。

答皮帶刀鞘插背帶等類。

問何謂堅牛革。

答子彈盒及裝工具之皮套等類。

問子彈盒塗油過多。有何壞處。

答塗油過多。彈盒變形。革具質柔軟。關閉不緊。子彈易致脫落。

問多脂革塗油過少。有何弊處。

答易致龜裂。

問何種油不可用於革具。

答酸化之脂油、含鹽之脂油、粘性油及下等魚類油均不可用塗革具。

問坭土附著時將如何處置。

答以稍濕布片抹淨擦乾後再行塗油。

問革具爲雨雪所浸濕時當如何。

答拭淨後置於空氣流通之處。於未全乾之前塗油再以乾布片擦之。

問細密拭淨革具之法如何。

答先將革具解脫。以浸水之布片細密拭淨。於未乾之前塗以輕油而後

置空氣流通之處陰乾之。俟油滲透後以乾布片摩擦之。

問革具當濕潤時應如何注意。

答塗油宜少。須常拭淨。以防發霉。

問革具可用水洗否。

答不可。因皮一經水洗即堅硬而不合用。

問霉雨之時革具之拭淨法如何。

答塗油宜少。拂拭宜勤。以防生霉。

問夏季革具之拭淨法如何。

答宜多塗油。勿令革質堅硬。

問附屬背囊之皮革具名稱云何。

答捲帶、肩帶、懸帶、腋帶、鈞帶、蓋帶。（此不用毛皮南洋）

問革具上若欲開孔當如何。

答不可任意爲之。須先陳明上官用穿空器開之。

第十二章 器具之名稱及修理拭拂法

就左記之實物試問之

問步兵携帶之器具是何名稱。

答方匙、小十字鍬、小斧、疊鋸、札刀。

問步兵中馱載之器具是何名稱。

答圓匙、大十字鍬、大斧、鋼鋸等。

問裝套器具之件是何名稱。

答皮套。

問工事完畢後。器具之拂拭法如何。

答卽時用水將泥洗淨。并將水氣抹乾。隨卽收入皮套。

問若無水時當如何。

答卽以竹木片將泥除淨。然後以乾草抹之。歸營後。復用洗淨收入皮套。

問器具之金質部亦塗油否。

答決不可塗油。

問何故不可塗油。

答一經塗油。漆卽浮落。反致生銹。

問已落漆之器具應如何。

答稟明官長飭匠工再漆。

問盛工具之革具。須拂拭塗油否。

答亦宜拂拭塗油。

問其拂拭塗油法如何。

答其皮套與彈藥盒同。其皮帶與多脂革同。

第十三章 被服裝具之名稱及清潔修理法

問何謂被服。

答軍服、軍帽、寢具、裹腿、雜袋、蓆袋、水瓶、飯盒等。統名之曰被服。

問軍服分幾種。

答分三種。黑軍服、呢製黃軍服、布製作業衣。

問軍服上附有何物。

答肩章、袖章。

問作業衣何用。

答體操及工作時用之。

問肩章袖章何用。

答袖章以區別階級。肩章以區分隊次。又均可為分別兵種之用。

問軍帽分幾種。

答分二種。黑軍帽。黃軍帽。

問雨天所服之衣何名。

答外套（附有雨帽）。

問自己之軍衣軍帽外套如何辨認。

答衣庫外套內縫白布片。上書隊號、姓名。軍帽則書於邊圈裏面。

問背囊以何物製成。

答以皮或番布製成。製成外附皮帶及銅鈎。內有木框及洋鐵盒。

問背囊上所捆紮者何物。

答外套、毛毯、飯盒、工作器具、皮鞋。

問背囊內所陳何物。

答襯衣、鞋襪、乾糧、彈藥等。

問水瓶有何用處且以何物製成。

答用儲熱水。以精錫製成。外包細呢。附有皮帶。

問雜囊以何物製成。有何用處。

答番布製成。用儲日用雜品。

問藤布袋以何物製成。有何用處。

答藤布袋用裝毛刷、針線包、擦槍器具袋等。

問纏於腿者何物。

答裹腿。中國名稱曰幫腿。

問裹腿之式有幾種。

答有兩種。一以番布製成。用鈕扣扣緊於腿者。一以長黃布製成。纏繞於腿者。

問床上有何附屬物品。

答白被單、毛毯、蚊帳、襯蓆、枕頭、枕衣等。

問呢軍帽外套呢衣褲之拂拭法如何。

答用衣刷拂去塵垢。抹平皺紋。順刷潔淨。並宜不時曬晾。若著坭水未乾。則俟乾後始行拂拭。

問洗濯黃布軍服時當如何。

答先脫去肩章。浸之於水。再平鋪桌上。展其皺文。微用肥皂洗刷。使污垢盡淨後。復漂以清水。曝諸曬衣場。

問被服有脫綫及破壞之時。其修紉法如何。

答脫綫之時。則以衣服同色之綫。細密縫之。其自己不能修理。則倩縫匠修理。

問毛毯之清潔法如何。

答時曝日光。常去塵垢。

問飯盒水瓶之清潔法如何。

答洗其內部。去其污物。洗後倒置若干時。以去積水。然後抹乾。

問領扣及衣褲鈕扣脫落時則如何。

答須即速以同樣之線鈕添補。

問雜囊蚊帳被單等如有破壞或不潔時則如何。

答有破綻則縫之。有油垢則洗之。

問皮靴之普通拂拭法如何。

答先拂塵埃。次塗馬油或鯨油牛油。然後以刷徐徐擦之。

問雨天使用皮鞋之後。宜如何擦洗。

答先去泥。(着泥如多以水洗之)次陰乾。將乾之際塗油。然後用刷擦。

之。

問穿皮鞋時宜如何注意。

答毋使鞋根變形。

關於被服之修理。針之使用法。綫之縫紉法。均有實習教育。茲不贅。

第十四章 步兵暫行操法之摘要

問立正之姿勢。最宜注意者何事。

答兩目直視一點。全體嚴肅不動。

問橫隊行進間自基準方向或反對方向擠來時應如何。

答自基準方向擠來則讓之。由反對方向擠來則拒之。

問橫隊行進中。較看齊綫有過前或落後及失落間隔時應如何。

答宜漸次修正。

問正步行進中如步法錯亂應如何。

答速照基準兵或官長口令改正。

問散兵前進之時必將保險鈎關好何故。

答因防危險。

問散兵前進必須槍口向上是何理由。

答恐觸物體及泥入槍口致生危險。

問散兵停止時應擇何種地形。

答須可發揚我之射擊。滅殺敵人効力之處。

問可以發揚我之射擊須何種地。

答向敵平坦緩斜更有依托放槍處。

問滅殺敵火効力須何種地。

答敵難窺見處。

問何謂混用表尺。

答前後行之表尺不同。如前列兵用八百密表尺後列兵用九百密表尺之類。

問何謂慢放。

答緩緩射擊。每分鐘至多不過三四發。

問何謂連放。

答各自射擊。每分鐘五發至八發謂之連放。

問何謂快放。

答用最快速度連發射擊謂之快放。然不可因此而損照準之精度。

問散兵行進以誰爲基準。

答排長及分隊長。

問散兵在射擊時如聞小笛或聞停放口令或目標已失應如何。

答立即停止射擊。

問拾得已落之彈藥應如何注意。

答淨拭收藏。

問步兵爲戰鬥之主兵其理安在。

答步兵人數最多。運動最便。不論晝夜。不問地形。均能獨立戰鬥。故稱爲

主兵。

問戰鬪激烈勝負將決之際應如何。

答忍耐堅持不勝不已。

問戰鬪之時應如何使用子彈。

答戰時子彈有如性命。且攜帶之數有限。補充非常艱難。故非射擊有效時。決不可以輕用。

問戰鬪時一兵攜帶之子彈幾何。

答一百五十顆。

問該子彈如何攜帶。

答前面之彈盒各裝三十顆。後面之彈盒裝六十顆。背囊裝三十顆。

問散兵之位置姿勢及槍之操作均得自由此何以故。

答以便利用地形。隨機發射。但不可妨害鄰兵之動作。

問散兵於戰鬪中最宜注意者何事。

答敵人之動作。射擊之方法。指揮官之號令。

問散兵射擊應選目標之何處。

答通常射擊自己正面之敵。但見有利之目標亦可改擊之。

問散兵射擊目標向何處瞄準。

答通常瞄目標之下端。

問退却之害。

答我軍不發一彈。則敵得沉靜射我。故易罹殲滅。

問戰鬪間子彈已盡或被圍於敵軍時應如何。

答堅持槍刺死力奮鬪。

問戰鬪間如失所屬部隊應如何。

答入附近之友軍。從事戰鬪。迨戰鬪既畢。則領證明書速歸原隊。

問戰鬪中戰友負傷不准擅任看護搬運何故。

答恐戰鬪人數減少之故。

問戰鬪中負傷將如何。

答身雖負傷。如尙能運動者。仍宜奮力戰鬪。

問如已不能戰鬪將如何。

答子彈則交與戰友。依官長之命令徐退後方。

問戰鬪中指揮者戰死或受重傷將如何。

答不必待命令。以資深者代之。聽其指揮。

問夜間近接敵人之注意如何。

答靜肅行進。不失連絡。不誤行進方向。更須分別敵我。

問夜間以何種戰鬪爲主。

答白兵戰。

第十五章 射擊教範之摘要

問步兵之最宜熟練者何事。

答射擊。

問射擊何以最宜熟練。

答步兵戰鬪主恃射擊，射擊効力全憑熟練。

問何謂彈道。

答子彈自出槍口飛行之路曰彈道。

問何謂瞄準機。

答準星與表尺總稱瞄準機。

問何謂瞄準綫。

答射手以右眼由表尺缺口中央通過準星頂至目標上所引之直綫爲

瞄準綫。

問何謂照準點。

答指定目標上之一點爲照準點。

問何謂射距離。

答自槍口以至彈著點之距離。

問何謂彈著點。

答子彈着於目標上之一點曰彈著點。

問射擊之際如遇陰霾或在曉拂日暮準星不明則彈著如何。

答通常過高。

問何謂初速。

答子彈出槍口時之速度謂之初速。

即彈道起點之處
彈丸所有之速度

問日本三十年式步槍之初速若干。

答子彈出槍口在二十五米突以內之時。每秒鐘六百七十八米達。

問。瞄準之際。覘視準星之法如何。

答。置準星頂於表尺缺口中央。使與其上緣同高。

問。何爲偏差。

答。彈著點與瞄準點之距離。

問。射擊之偏差。何由而生。

答。有由天氣之感應而生者。有由射手之感應而生者。有由槍藥製造不良而生者。

問。射擊之際。準星頂高出表尺缺口之上緣。則彈著如何。

答。子彈著於目標之上方。

問。射擊之際。氣候極熱或極寒之時。其彈著如何。

答熱則子彈易著於目標之上方。寒則子彈易著於目標之下方。

問射擊之際。風由前（左）（右）來。其彈着如何。

答彈着易偏於目標之（下）（右）（左）方。

問射擊之際。日光上（左）（右）照。其彈着如何。

答彈着易偏於目標之下（右）（左）方。

問射擊側方行進之目標。其瞄準法如何。

答隨目標之運動方向。稍稍瞄準其前方。

問瞄準之修正法如何。

答反對其彈著點瞄準。

問射擊某點如其彈着在右下一尺之處。其次宜如何修正。

答照準左上一尺之處。

問一人單獨射擊。確信爲有效者。其距離及目標之種類如何。試述之。

答只露頭面之單獨兵。

二百密達。

臥倒之單獨兵

三百米突。

跪倒之單獨兵

四百米突。

站勢之單獨兵或二人靠攏之跪勢兵

五百米突。

二人靠攏之站勢兵或單獨馬兵

六百米突。

右述者。射擊均有效力。

問敵之散兵線之後。更有密集部隊前進。此時射擊其散兵乎。抑密集隊乎。

答射擊前進之密集部隊。

問正在射擊之時。忽見敵散兵之一部躍進。此時向何處射擊。

答不待命令。射擊躍進之部隊。

問距離測量爲射擊之必要何故。

答距離之測量如誤。則射擊之効力全無。

問距離測量之種類有幾。

答三種。目測。步測。音測。

問天候晴朗時（背太陽測量時）（目標之背後明瞭時）（平坦地）（水面）（目標遠而不明之時）（波狀地）（中間之土地不能通視時）（目測之錯誤如何）。

答誤於近。

問（極熱時）（面向太陽測量時）（目標背後黑暗時）（陰曇時）（濃霧時）（曉暮時）（在森林中）（在狹長之土地橋梁道路等）目測之錯誤如何。

答誤於遠。

問戰時目測之誤如何。

答通常易誤於近。

問跪下臥倒之時目測之誤如何。

答易誤於遠。

問射手之等級有幾。

答有四。特別射手。一等射手。二等射手。三等射手。

問何爲三等射手。

答初年兵及未嫻熟射擊者。均爲三等射手。

問何爲二等射手。

答三等射手之於全次教練射擊完結者。爲二等射手。

問何爲一等射手。

答二等射手之於全次教練射擊完結者。爲一等射手。

問何爲特別射手。

答凡兩年一等射手全次教練射擊連續合格之官長頭目。及有二等徽章之目兵等。爲特別射手。

問兵卒在射擊場應守之規則如何。

答一嚴禁喧嘩。

二已裝之槍不得離守。

三已裝之槍交與他人時須將已裝彈藥告之。

四不得擅自演習瞄準。

問射擊名譽旗授之於誰。

答全鎮步兵四十八隊中名譽射擊成績最良之一隊。

問射擊徽章賞之於誰。

答各等級射手中成績良好者。

第一報告之要旨

問何謂報告。

答下級者申述某事於命令系統之上官。謂之報告。

問報告之良否。與戰鬪有何關係。

答指揮官之判敵情。全憑部下之報告。故報告之良否。與戰鬪之勝敗大有關係。

問報告之次序如何。試條舉以對。

答第一親自目見者。

第二聞諸他人所實見者。

第三聞諸他人之所聞知者。

第四憑諸理由得自推測者。

問最初發見敵兵。其報告法如何。

答按敵兵發見之時刻地點兵種兵力及動作行進方向等均須報告。

問試舉一例。

答午前十時有敵之步兵約二百人。在下關上陸。由三牌樓大道向鐘鼓

樓方向前進。

注意

此種問答時常練習。如關於騎兵砲兵築城架橋之類。在在均關緊要。非設各種問題勤加練習不可。

問報告之最緊要者何事。

答人數時刻位置。

問前後二字如何指定。

答就行進之方向而定。

問左右二字如何指定。

答向敵所成之左右言之。

第二命令及報告之傳達

問命令報告之傳達法有幾種。

答有二種。口上傳達。筆記傳達。

問口上傳達。欲避錯誤將如何。

答出發之前。須將傳達之事。明瞭複誦。然後出發。

問筆記傳達時。何者亦宜複誦。

答宜複誦受書者之官姓名及其地點。

問專任命令報告之傳達者是何名稱。

答傳令兵傳騎。

問報告之信封上前面或後面書有(十)(十)(十)之符號何意。

答三個十字(十十十)表示至急。二個十字(十十)表示急。一個十字(

十)表示平常之意。

問信封上有三個十字(十十十)或上官命令至急之時。應用何種步度。

答應盡全力奔馳。

問封面上有二個十字(十十)或上官命令急字之時則如何。

答便步與跑步交換而行。

問封面上有一個十字（十）或上官命令平常之時則如何。

答便步行進。

問口上傳達之法如何。試舉其例。

答前隊隊官。管帶命令。前隊向散兵線左方延伸增加。

王管帶憲。李將校斥候報告。午前九時敵人山砲六門放列於雨花台。

問筆記傳達送到時。應如何動作。

答先呼某官憲。次以某官命令或報告文呈上。然後取一收條或取回信以歸。

問傳令兵途遇官長應如何。

答口呼傳令二字。毋庸敬禮。

問傳令兵途遇官長。何以不必敬禮。

答恐誤時間。

問傳令兵如遇敵兵將如何。

答迅速迴避。以達傳令任務。

問迴避不及將如何。

答速將所攜之文書毀滅。然後竭力抵抗。

問抵抗不勝爲敵所虜將如何。

答以死自誓。無論敵人如何嚇騙。決不洩漏秘密。

問何謂遞步哨。

答每隔二三里置下士哨。逐次遞送命令報告之謂。

第三搜索勤務

問斥候之職務如何。

答搜索敵情地形等爲職務。

問土民對我有懷敵意之時。斥候應注意何事。

答大市鎮之經過。可一而不可再。村莊牆垣之內。不得久停。

問斥候射擊之時期如何並言其理。

答不意與敵衝突之時則射擊之。蓋斥候之職務不在戰鬥。而在潛入敵地。搜得敵情。故非不得已時。不可妄行射擊。

問斥候之停止。應擇何處。

答能蔽自己身體便於遠視敵兵之處。

問斥候之種類如何。

答將校引率者謂之將校斥候。下士引率者謂之下士斥候。他如正副兵引率兵卒二三人或四五人者謂之斥候。

問欲求早見敵兵則斥候應往何處。

答高地。

問夜暗不見將如何。

答以耳代目。以腦判斷。或憑各種徵候。以搜敵之所在。

問斥候行進用何隊形。

答斥候無一定隊形。有依地形及時機而散開者。而密集者。總以不失連。

絡。不致同時被捕於敵爲要。

問斥候行進。斥候長應在何處。

答通常在最要視察之處及最危險之側方。

問斥候在途。如遇我軍之斥候或部隊或步哨將如何。

答就聞見相告問。

問斥候如遇敵之斥候將如何。

答勿觸敵眼。隱身視其動作。如得捕虜更佳。

問斥候於敵地之何處最宜注意。

答高地之頂界線。隘路。森林。村落之入口。林端。小森林。土堆。最易隱蔽敵兵之處。

問見塵埃飛揚之形狀。可以察知敵狀者爲何。

答知其兵種並知其行進方向。

問各兵種所起之塵埃。其形何別。

答高而淡者爲騎兵。濃而間斷者爲野砲兵。低而濃者爲步兵。山砲兵。而其塵埃所移之方向。卽爲行進方向。

問觀露營之跡。知敵狀否。

答驗其殘留物品之形狀。可知其兵種。人數。出發之時間。及景況。

問見露營火。可知敵狀否。

答可以畧知其位置及兵力。

問由畜類之吠聲。可知敵狀否。

答聞喧嘩聲、犬吠聲、馬嘶聲。則知其附近有軍隊或斥候。

問此外更能由徵候以知敵狀否。

答由蹄跡、轍痕等。可知其兵力及行進方向。

問軍人以知方向爲最要。而斥候則尤要。其故安在。

答斥候因達任務遠離軍隊。如方向不明。不惟敵狀難知。卽報告亦難遞歸。

問方向可由指北針知之。其看法如何。

答指北針藍色尖之所指者卽南方。

問方向可自太陽知之。其法如何。

答太陽於午前六時在東。九時在東南。正午在南。午後三時在西南。午後


六時在西。

問方向可自明月知之。其法如何。

答月圓之時。午。前。六。時。在。西。夜。半。在。南。午。後。六。時。在。東。上。弦。之。時。午。前。六。時。在。南。夜。半。在。西。下。弦。之。時。夜。半。在。東。午。後。六。時。在。南。

問方向可自七星及北極星知之。其法如何。

答仰視天空。同光之星有七（即北斗星）延長甲乙綫至甲乙距離五倍之處。有北極星。此星之位置即係北方（圖如左）



甲丙之長二 甲乙之五倍

問方向可因植物之狀態判斷之。其法如何。

答樹根所生之蘚苔。多向北方。樹心之圓紋。南向者比較粗大。

問前進退却欲避敵擊。其法如何。

答派警戒隊。

問何謂警戒隊。

答由本隊派出一部分。在本隊前方警戒者爲前衛。在側方警戒者爲側

衛。在後方警戒者爲後衛。此前衛側衛後衛總謂之警戒隊。

問前衛之任務如何。

答掩護本隊之前進。

問前衛之區分如何。

答前衛本隊前兵前衛騎兵。

問前兵之前派何警戒。

答尖兵。

問尖兵如何警戒。

答行進之道路及其側方派遣斥候如遇村落森林等之蔭蔽地則成散

兵隊形前進。

問本隊前衛本隊前兵尖兵等之連絡法如何。

答派連絡兵。

問連絡兵通常有幾人其連絡法如何。

答通常以二人爲一班其中一人注意前方一人注意後方以記號互相

連絡。如各部隊距離較大亦可添派人數及班數。總以能保連絡爲主。

問側衛之任務如何。

答警戒我軍之側面以安行進。

問後衛之區分如何。

答後衛本隊。後兵。後衛騎兵。

問後衛之任務如何。

答妨碍敵軍之追擊。使本隊得以安全退却。

問前衛後衛側衛之指揮官之稱呼云何。

答前衛司令官。後衛司令官。側衛司令官。

問指揮前兵後兵尖兵之稱呼云何。

答前兵長。後兵長。尖兵長。

第五駐軍警戒勤務

問軍隊宿營之時。以何警戒。

答設置前哨。

問前哨之任務如何。

答搜索敵人之狀況。警戒敵人之侵入。使後方軍隊得以安全休息爲任務。

問前哨所當嚴禁者爲何事。

答嚴禁擅自挑戰。

問何以嚴禁挑戰。

答驢擾後方休息之軍隊。且易惹起前哨所不能抵禦之大戰。

問倘遇敵兵大部來襲將如何。

答死力抵抗。不少讓步。故須先時整頓戰備。無論敵人何時來襲。俱不致

倉皇失措爲要。

問充前哨勤務之各部隊。其名稱云何。

答前哨本隊。前哨中隊。小哨。

問前哨各部隊之位置如何。

答前方之第一綫爲步哨及下士哨。其後爲小哨。又其後爲前哨中隊。最

後爲前哨本隊。

問指揮前哨者之名稱及位置如何。

答稱前哨司令官。位置於前哨本隊。

問前哨中隊由何隊派出。其警戒法如何。

答自前哨本隊派出。其警戒法則於前方或側方置小哨及獨立下士哨。以爲警戒。

問小哨之警戒法如何。

答派下士哨及步哨。

問獨立下士哨如何警戒。

答與小哨同。但前方只派步哨。以行警戒。

問前哨諸部隊。其搜索敵情之法如何。

答向敵人方向派遣斥候。

問步哨及下士哨最宜注意者何事。

答確守規則。始終監視敵方。注意可疑之徵兆。

問獨立下士哨與下士哨何別。

答獨立下士哨自前哨本隊或前哨中隊派出。下士哨則由小哨派出。

問前哨中隊小哨獨立下士哨應如何加以號數。

答自右至左加以號數。如前哨第幾中隊第幾小哨第幾獨立下士哨之類。

問下士哨步哨應如何加以號數。

答亦自右至左加以號數。如第幾下士哨第幾步哨之類。

問兵卒在前哨中隊中應守之規則如何。

答未經官長允許。不得擅離哨所。并宜保持肅靜。其一部宜在架槍綫後方。爲戰鬪之預備。

問何謂單哨與複哨。

答一人之時。曰單哨。二人、三人或四人之時。曰複哨。

問何謂動哨。

答連絡鄰哨及巡視兩哨中間空隙地之步哨。曰動哨。

問前哨中隊及小哨等。在槍架前直接所派之步哨。是何名稱。

答槍前哨。

問槍前哨之任務如何。

答一監視架槍綫。并直接警戒所屬哨所。

二依目力或記號與前方部隊或步哨等連絡。

三使傳令兵速知哨所或部隊之所在。

四監視離哨所者或潛出潛入者。

問小哨及獨立下士哨所有之槍如何架法。

答服步哨勤務者則聚同時交代之人架之。服斥候勤務者則各班各自架之。其他或架在一處。或作急造槍架以置之。

問前哨本隊如何自行警戒。

答有時派外衛兵以自警戒。

問前哨使用號音係在何時。

答惟遇警報用之。外此嚴禁。

問遇有警報時兵卒之動作如何。

答整備武裝。執槍歸隊。靜候命令。

問小哨或獨立下士哨之兵卒所當禁者何事。

答無命令而自行解脫背囊皮帶水筒。或睡眠點燈。發火喧嘩。或擅離位置。均當嚴禁。

問小哨之兵卒如遇上官來時如何。

答雖在休憩。而上官蒞哨。亦無須敬禮。

問步哨之在樹木房屋上者。其名稱爲何。

答謂之展望哨。

問何謂步哨一般守則。

答無論何時。步哨皆須遵守之規則。謂之一般守則。

問何謂步哨之特別守則。

答臨時所授之規則。謂之特別守則。

問特別守則。授自何人。

答步哨由小哨派出者。則由小哨長授之。由獨立下士哨派出者。則由獨立下士哨授之。

問步哨特別守則有幾。

答有九。一敵人所在之位置。二監視之區域。三前方部隊之位置。四前方村落之名稱。五自己之位置及號數。六比鄰步哨之位置及號數。七所屬小哨及前哨中隊之位置。八至各位置之道路。九敵襲時之處置。

問步哨射擊之時機有幾。

答有五。一敵軍來襲。以急射擊代報告時。

二自己欲脫危害時。

三於步哨線前援救友軍危害時。

四有欲強行通過步哨線不遵步哨指示時。

五敵之斥候潛入我步哨線不能擒獲時。

問除此時機外步哨若爲無益之射擊。其害有幾。

答有二。一使敵人知我之位置。二使後面休息部隊滋生紛擾。

問步哨遇敵襲擊。竭力抵抗後。當向何處退却。

答當迂道退却。勿使有妨小哨之射擊。

問晝間許在步哨綫出入者爲何人。

答我軍之將校。密集部隊。斥候。傳令兵。其他皆須經小哨或獨立

下士哨長之許可始得通過。

問夜間有接近步哨者如何動作。

答据槍問誰。如遇三呼不應者。即行射擊。

問步哨對於軍使當如何。

答軍使前來。不得以敵人相待。應令其停止於步哨綫外。而後報告於所

屬哨長。

問何以知爲軍使。

答見有從遠方舉白旗。或白布。或用號音。及他記號。標示前來者。卽爲軍

使。

問步哨對於投降者當如何。

答令其先將槍械投地。命止於步哨綫外。而後報告於所屬哨長。

問何以知爲投降者。

答見有敵兵棄槍來歸。或倒持槍械。或大呼來降者。卽是。

問步哨在晝間。槍當如何持法。

答或提槍於手。或挽之於腕。或持槍如稍息狀。

問步哨在夜間。槍當如何持法。

答或托槍於肩。或提之於手。或挽之於腕。

問夜間步哨不准作提槍稍息狀。其故安在。

答恐精神廢弛。易致睡眠。

問步哨對於上官應行敬禮否。

答不必敬禮。因注意於敬禮。則監視難免疏忽。

問上官若詢步哨時。則如何。

答正其姿勢以答。不可忽於監視。若上官在後面或側面詢問。亦不必面

對上官。

問步哨選擇位置時。其注意有幾。

答有三。一前面視界寬闊。易於監守。

二自己置宜蔭蔽。不爲敵人所見。

三易與左右隣哨連絡。且易報告後面部隊。

問夜間步哨位置。宜在何處爲佳。

答夜間步哨。目不如耳之敏。先能取聲音而後始能發見。故以高處爲佳。且高處並可觀視火燄。

問步哨如何交代。

答新舊兩步哨。均須隱蔽身軀。眼看敵方。舊步哨將臨時所受之規則。及將自己所見聞之事。並監視間所得之敵情。詳告於新步哨。

問槍前哨遇上官及巡察將校等來時敬禮否。

答不敬禮。亦毋庸叫折槍架。

問步哨發見敵人時。宜如何處置。

答先隱身軀。測定距離。裝定表尺。通告於哨友。使同察敵情。得其動靜。一

人仍監視前面。一人急速趨往報告。

問步哨報告欲回時。其動作如何。

答宜依遮蔽物後面行進。勿爲敵見。且當迅速。

問敵人斥候近我步哨。見我復退。此時步哨宜如何對待之。

答須射殺之而後報告。

問步哨於晝間不可不預定一最著明之目標。此目標以何物爲佳。

答以高樹高塔爲佳。

問步哨夜間聞隣哨之方向有槍聲時。當如何。

答動哨卽往查究。步哨嚴密監視。

問對於出入步哨綫之斥候。當如何處置。

答斥候出步哨綫時。步哨當告以前方村落之名稱。已發現之敵狀。並詢斥候所往之地方。若斥候回時。宜詢問斥候所偵得之敵情及地形等件。

問斥候應備之性能有幾。

答有四。慧敏。熱心。沉着。剛膽。

問搜索敵情。最宜注意者爲何。

答搜索敵情。不使敵人發覺爲至要。否則非徒難達任務。且有種種危險。

問斥候應如何動作。方能不爲敵人發覺。

答不露聲息。不發火光。不暴身體。不誤時機。不失連絡。

問斥候如見可疑之徵候。或聞可疑之怪聲。當如何。

答隱蔽身體。靜觀其動作。又漸次行進。隨機詳探。

問斥候目的已達。忽遇敵情變更。如何處置。

答須遣一人即時回報上官。其他之斥候仍應續行搜索。

問斥候報告最宜注意者何事。

答須不失時機。

問報告遲緩有何害處。

答易與情況不符。易誤上官計策。

問斥候彼此如失連絡應如何。

答自慎防敵。獨行搜索。然後至預定集合地。互述見聞。報告上官。

問斥候往返須易道路。是何理由。

答恐有埋伏並避道路斷絕之故。

問搜索村落時應如何。

答視村落大小定搜索方法。

問在森林中彼此不能通視時。斥候應如何行進。

答宜互相接近行進。其各個距離約三十米達至五十米達。

問斥候用何法互相聯絡。

答用記號及音響。如折樹葉。或擊裝具。

問斥候通過森林如何行進。

答成大間隔之橫隊。斥候長於其中間行進。

問斥候長何以要在中間。

答易赴左右林緣。

問斥候長與他兵之入森林如何動作。

答斥候長潛入林中。他兵注視林緣及斥候長。若斥候長示有前來之記號。他兵再行前進。

問斥候與他斥候相遇時當如何。

答互述見聞。若在夜間。先以暗號試其是否爲我之軍人。

問暗號爲何人規定。

答由上官規定。

問暗號規定之後。卽永不更改乎。

答否。由上官隨時酌量規定。

問斥候通過步哨綫時當如何。

答以所往之方向。告於最近之步哨。並問其監視區內之敵狀。歸時將自己見聞之事。告知步哨。

問斥候歸路與往路不同時當如何處置。

答出步哨綫時。將其歸路。及時刻等。告於附近之步哨。

問斥候若遇多數敵兵向我軍方向前進時當如何。

答一人即歸報告。他則施行急射。並監視敵人之動作。且射且退。

問斥候發見敵人時當如何。

答隱身以探敵之停止處。行進方向。兵種。兵數。後方部隊等。使一人速歸

報告。他則仍行偵察。

問有以四列側面行進之步兵。由先頭至後尾。約五分鐘通過一地點。其人數幾何。

答步兵約一營。

問斥候爲敵步哨或斥候所見時當如何。

答務須隱蔽。不行射擊。由他方向隱匿前進。續行搜索。

問斥候自出發以至搜索地點。如何行進。

答宜分搜索區域爲數段。每一區域定一集合地點。依次搜索前進。

問集合點以何地爲宜。

答能蔽敵目且便集合之地爲宜。

問何謂潛伏斥候。

答爲捕獲敵人計。而潛伏於來往必由之道路、橋梁等處者。是。

問斥候長當出發之際。應爲何事。

答檢查服裝。告知任務。預定集合地點。

問斥候長何以將自己之任務。告知其他之斥候。

答萬一傷斃。其他之斥候亦可單獨搜索。盡其任務。

問何謂巡察。

答時時巡視步哨線。監視步哨之動作。并搜索未派步哨之地點。且與隣哨連絡。如聞步哨綫有射擊喧嘩之聲。卽往查問。或則援助步哨。是謂巡察。

問何謂行軍。

答軍隊自某地行至某地。謂之行軍。

問行軍時常練習。是何理由。

答戰時行軍最多。行軍力之強弱。與戰爭有密接之關係。故宜時常練習。

問行軍如何注意。方能持久。

答恪守行軍之規律。注意被服裝具。留心衛生。方能持久。

問行軍之規律。兵語上稱之爲何。

答謂之行軍軍紀。

問行軍軍紀第一應守者何事。

答不論幾列隊形。必須由道路之一側行進。

問行軍時必須由道路之一側行進。其故安在。

答以便傳令使之通過。

問足力之保持法如何。

答出發以前。清洗其足。塗以靴傷膏。然後着襪。襪須乾潔平滑。停止時尤須乘便消散熱氣。除去砂礫等事。

問對於靴鞋如何注意。

答須用合足未破之靴鞋。平日塗以脂油。柔軟皮革。禁止烘火。以防質硬。

問對於被服如何注意。

答所着被服。須潔淨無垢。勿存皺紋。

問對於裝具如何注意。

答背囊附屬品。兩邊重量宜平均。繫縛宜牢固。兩腋及胸前之皮帶。不可過於寬緊。幫腿之束縛。亦宜堅固。水瓶、雜囊等之佩帶。均宜適當。且宜便於應用。

問對於身體之衛生。如何注意。

答暴飲暴食。驟脫衣服。飲用生水。身體不潔。睡眠不足。均與衛生有碍。最宜注意。

問行軍時。兵卒若不得已須離隊列。當如何。

答報告分隊長或排長。如蒙允准。先以槍交同列之兵。然後離隊。

問行軍中。可以隨意解去衣扣。或除去帽帶否。

答非有上官之命令不可。

問行軍應走道路之何側。

答兩側皆可。但以走道路之左側爲常例。若隊伍之先頭分爲兩側行進時。在後者亦須分而隨之。

問途步行進隨意否。

答步法不必整齊。通常准其談話、吃煙、或唱軍歌。但不得有得亂隊列。

問途步經過街市。當如何。

答雖無號令或命令。亦須正其姿勢。不准談話、吃煙、唱歌等事。

問列兵對於前後左右。其間隔距離。如何注意。

答整齊隊伍。保持距離間隔。如須改正。不可過驟。

問休息之時當如何。

答修整服裝。赴廁便溺。惟不得隨意買物。及擅入人家。

問通過軍橋時。應注意何事。

答隊伍須整齊。步法須輕穩。步度不可齊一。由橋中間通過。其距離卽有伸縮。亦不得在橋上改正。

問夏季行軍時。應當如何注意。方無日射病或熱中病。

答乘時脫帽透風。休憩中以水冷其頭面。但不能離開隊伍。飲水等事。亦須由上官許可。

問冬季行軍。當如何注意。始無凍傷之害。

答休憩時。運動手足指耳。倘覺手足已凍。則徐徐揉之。或以雪摩擦。則自然發溫。惟不可烘烤受毒。若被服有濕潤者。宿營時宜速行更換。或烘

乾之。

問行軍時聞向左或向右偏行之號音。則隊伍應如何動作。

答卽時偏行於道路之左側或右側。

問行軍間之步度。視何人爲準。

答視先頭之步度爲準。

問行軍休憩中。對上官敬禮否。

答不敬禮。

問行軍之種類不一。其大別有幾。

答有二。旅次行軍。戰備行軍。

問何謂旅次行軍。

答無遇敵之患。不設警戒。注重休養之行軍是也。

問謂何戰備行軍。

答與敵有衝突之患。須嚴行警戒。準備戰鬥之行軍是也。

問到宿舍時之注意如何。

答先整理武器及靴鞋。再清潔身體。惟不可暴飲暴食。致生疾病。

問步兵徒涉時水深之極限若干。

答水深不能過八十生的。

問徒涉急流之河川當如何。

答取一目標於彼岸下流之處。挂槍於上流之肩上。互相扶持而涉。不可

睨視水面。

問徒涉時。若水深過膝。應顧慮何事。

答彈藥盒務必用槍高擎。其餘不可受潮濕之物。悉置於背囊內。或掛於頂上。

問夜行軍應注意何事。

答維持間隔距離。嚴守規定。

問夜行軍各部隊。應如何聯絡。

答增加聯絡兵。保持聯於前方部隊。若有交叉路。歧分點。凹道。森林等處。則自先頭部隊留一兵卒於該處。指示其當行之方向於後續諸部隊。

第七宿營

問何謂宿營。

答軍隊止宿某地。謂之宿營。

問宿營有幾種。

答有三種。舍營。露營。村落露營。

問何謂舍營。

答宿於民家。謂之舍營。

問舍營分幾種。

答尋常舍營。警急舍營。

問何謂尋常舍營。

答距敵遙遠。以休養爲主。宿於民家者是也。

問何謂警急舍營。

答以一定制部隊屯一房屋之內。睡時整備服裝。并將背囊武器等安置身傍。每一房屋派兵一名。推開窗戶。燃燈警戒。謂之警急舍營。

問何謂露營。

答軍隊露宿於野外。曰露營。

問露營用於何時。

答距敵極近。須嚴整戰備。或距離雖遠。無寄宿之民家。又住民家地有瘟

疫流行時。則用露營。

問何謂村落露營。

答在村落內舍營。露營各有一部。謂之村落露營。

問舍營事務何人所定。

答舍營司令官。

問舍營司令官之外。有執舍營勤務者爲誰。

答舍營值日將校。部隊值日將校。值日下士。

問警戒宿營地之警戒及維持軍紀者。須用何人。

答派遣外衛兵及風紀衛兵。

問外衛兵之任務如何。

答住宿地之直接警戒。如遇敵襲。則須竭力抵抗。又須與前哨及比鄰部

隊保持連絡。

問外衛兵之警戒法若何。

答配置步哨或下士哨於舍營地之出入路口。或前方側方至要之處。以

任警戒。

問外衛兵之守則如何。

答自己之位置號數。應監視警戒之區域。高等司令官之姓名。及舍營司令官之姓名。通各部隊宿營地之道路。與敵襲時所取之處置。

問外衛兵之任務。與前哨何種任務相同。

答與小哨之任務大畧相同。

問風紀衛兵有何任務。

答維持軍紀風紀。其任務與平時之衛戍兵無甚差異。

問宿營時巡察將校有何任務。

答查察宿營地內軍紀風紀之張弛。及諸規則之實行與否。又遇有可疑

之事則宜訊究。

問使人易知舍營司令官及其高等司令官之住址應設何種目標。

答晝豎國旗。夜點燈火。

問何謂警急集合場。

答宿營時遇有警報。部隊各自集合之地點是也。

問何謂警急大集合場。

答由總指揮官指定。遇警報時全軍所集合之地點是也。

問宿營時遇有警報。隊伍應如何動作。

答各隊伍迅速完備武裝。先至警急集合場。然後再至警急大集合場。或

至指揮官所預定聞警握守之處。

問宿營中當服膺勿忘者爲何事。

答本隊之集合場散步區域。歸營時刻。點名時刻。及宿地中之禁令等是也。

問舍營時首先應爲何事。

答急造槍架。刷理被服。淨拭武器。并須善爲預備。以便不論何時。一有命令。卽能迅速集合。

問對於舍主當如何。

答舉止須極溫和。借物必得其允許。不可破壞。不可虐其家人。如舍主或其家人有不當之處。萬不可自行爭論。須報告於上官。

問舍營券爲何物。

答係宿舍長記明舍營人員。加蓋印記。付於舍主以爲憑證者也。

問大部隊就舍營時。易起混雜。其預防法如何。

答在各宿舍門戶貼一標記。註明隊號及人數。其記載法須簡畧。以防間諜偵知。宿營部隊抵着後。卽須除去。

問舍營最當注意者爲何事。

答火災。

問選定露營地及總司露營之事務者。爲何人。

答露營司令官。

問露營司令官之外。有執露營勤務者。是何名稱。

答露營值日將校。部隊值日將校。值日下士。

問抵露營地後。各兵當爲何事。

答爲防風雨寒氣之故。大抵每棚各掘土穴。或取土石雪藁樹枝等物。以爲屏圍。或爲排水之處置。或以大幕作覆。或造爐以備炊爨等是也。

問上條所述之業務何稱。

答謂之露營設備作業。

問從事於露營設備及雜役者。或在休憩之中者。對上官敬禮否。

答不敬禮。但遇上官垂問。則正姿勢以答。

問露營中遇有呼集時當如何。

答不携武器聚於中隊之集合場。

問露營中遇有警報時當如何。

答急着裝具。集於架槍線處。無命令不得擅拆槍架。

問露營中遇有警報時。外衛兵當如何。

答非有別命。不可擅離守所。須在位置慎防敵人。

問遇有警報時風紀衛兵當如何。

答監視軍隊遺下之品物及材料。若遇突然出發之時。須候材料運搬或

準備完訖後。追隨軍隊進發。

問露營中能否散步。

答如無上官之許可。不能擅離宿處。

問露營中宜在何處大小便。

答定廁之外。不可任意洩溺。

問由宿營地出發時。應注意何事。

答於出發前十五分鐘消滅柴火。並宜留意檢點物品。毋使稍有遺失。

問出發時風紀衛兵當如何。

答各遵命令。歸還本隊。

第八行李

問行李有幾種。

答有二種。大行李。小行李。

問大行李携有何物。

答携有宿營必需之物。

問何爲小行李。

答用馱馬所載戰鬪間必需之彈藥器具衛生材料等是也。

第九給養

問各自攜帶之食物何名。

答謂之攜帶口糧。

問攜帶口糧係指何物。並應放在何處。

答精米及菜一日分與乾麵包及副食物一日分。均須放在背囊之內。

問攜帶口糧用於何時。

答不得已之時。方可應用。然非命令不得擅動。

問伙食由舍主供辦時若不足當如何。

答不可自行爭論。須報告上官。

問兵卒能自行徵發否。

答不能。如兵卒自行徵發。則謂之搶奪。與盜賊無異。

第十衛生

問何謂假繃帶所。

答在散兵線後方。由標營內之軍醫所組成之治療所是也。

問何謂繃帶所。

答遙距散兵線之後。衛生隊所設之治療所是也。

問何謂補助擔架卒。

答各隊之兵卒。平時曾受担架術之教育者。當開設假繃帶所時。暫命運

搬死傷兵卒者。謂之補助擔架卒。

問戰友負傷時。可隨便帶往繃帶所否。

答論人情固可。然以減少戰鬥員之故。非有官長命令不可妄動。

問如有命令。其救護當如何。

答速行送往。卽時歸報。從事戰鬥。

問在戰線中負傷時當如何。

答如係輕傷。則自以繃帶包裹。仍繼續戰鬥。如不能戰鬥。尙可勉強步行者。亦須受指揮官許可。而後前往繃帶所。

此時應將自己所有之彈藥分與戰友。若係重傷。則將彈藥付之戰友。在其位置。靜待治療人之來看。

問兵卒帶有何種衛生材料。

答帶有用柿色之布。內包昇禾綿紗三角巾。澁紙。留針。四種。稱曰繃帶包。
問此繃帶包用於何時。又置於何處。

答負傷時即於其現在之地。自行繃纏之用。而藏之於上衣左裾內。
問繃帶所。假繃帶所。及野戰病院等。有何目標。

答樹有國旗與赤十字旗。夜間則點有赤色之燈。
問行軍間患病者。應如何區別等級。而妥爲處置。

答因病之輕重。分爲一等二等三等。病重者爲一等。惟持武器而運以車
輻。其次則爲二等。使之除去武器裝具。再次則爲三等。仍帶武器裝具。
使各離隊伍。單獨行進。

第十一彈藥補充

問使用彈藥必當儉省。其故安在。

答彈藥用盡。卽不能戰鬪。故宜儉省。

問各自携帶彈藥之外。復得分配之彈藥。當置之何處。

答置於雜囊衣囊等處。

問携帶彈藥。一人有幾發。

答彈藥盒藏百二十發。背囊藏三十發。共百五十發。

問兵卒受命往彈藥馱馬處補充彈藥時。當如何。

答至大隊之彈藥馱馬處。向監視之下士領取。由箱內取出結好之彈藥。

或提在手。或挂在項上。而運搬之。

問散兵線補充彈藥之法有幾。

答有三。一自後方部隊搬送於散兵綫。二利用伍間增加兵。分給於各散兵。三散兵綫中死傷者之彈藥可取用之。但前進時。不得因此落後。

第十二鐵道

問上車下車時聽誰命令。

答當聽輸送指揮官之命令。

問鐵道輸送時。有如何資格者。方可充輸送指揮官。

答最高級或資深之官長充之。

問兵卒上車下車時。除輸送指揮官及直轄官長外。應聽何人指示。

答宜從停車場司令官、部員、衛兵等之指示。

問車內應聽何人指示。

答班長。

問班長以何人爲之。

答以高級資深之官長爲之。

問火車駛行中。兵卒當守之件如何。

答不離其位置。不可倚坐於貨車之入口及側板上。不可任意閉窗戶。不可出頭露手於窗外。不可高聲談笑。不可妄登踏臺。不可妄開車門。不可污穢車內。不可點火或喫煙於容易着火之貨車內。以上應守之件也。

問上車下車。不准以口笛爲記號何故。

答因火車開行時。以口笛爲記號。恐車員誤聽之故。

問爲下車之準備。須何人指示。

答須聽輸送指揮官之指示。

第十三電綫

問見電綫有損壞時當如何。

答將其所在及損壞之情狀。告知於最近之通信所。

第十四船舶輸送

問上船下船。聽何人之命令。

答聽輸送指揮官之命令。

問輸送指揮官以誰充之。

答乘船部隊中最高級或資深之官長充之。

問上船下船時及乘船中除輸送指揮官之外聽何人之指示。

答宜聽碇泊司令官、船長、船員、監督將校及衛兵之指示。

問上艇船時當如何注意。

答乘船前背囊之兩鈎宜自革帶脫卸。依官長或弁目之誘導。執槍者提槍乘船。面向舳部（船尾）順次坐定。槍則托於兩膝間。

問既乘船後當作何事。

答將槍及刺刀置諸身傍。併將背囊結束完好。以代臥枕。背囊上附有外套。速將外套解下。置於背囊之上。以備隨時使用。尤宜端坐靜肅。不可離坐。

問船中之勤務員爲何人。

答爲值日將校與風紀衛兵。

問風紀衛兵有何任務。

答注意火災。留心清潔。及禁止任意上甲板者。與夫任意飲水者。

問船中所宜遵守者何事。

答不可攜帶燐火。不可隨意喫煙。飲水洗臉。須守時刻及在定處。不可污穢船內。不可妄用清潔之水。不可任意上船橋。機關室。廚房。及前樓之舵室。不可盤桓羅針盤之周圍。及梯階之近傍。不可任意點火。及將燈火移置他處。其他凡船內所定之規則。與夫輸送指揮官所下之禁令。均宜嚴守勿違。

問倘遇火災。或船觸暗礁。或與他船衝時當如何。

答宜準備上陸不可喧嘩。

問既受上陸之命令當如何。

答立刻整飭武裝。依命令所定順次上陸。其先後以次序。與上船時相反。

問船內之彈藥當如何處置。

答乘船以前。將攜帶之彈藥。各自裝入箱內。置諸彈藥庫。上陸以前。各自領取。

第十五秋季演習

問秋季演習應存何種思想。

答應存實戰思想。猶如身臨戰地。勇躍向前。蹈死不顧。萬不可存一假字。

問機動演習有幾種。

答分一協演習。一鎮演習。及特別大演習三種。

問何謂特別大演習。

答二鎮以上之對抗演習。

是時 皇帝親臨或簡派大臣以統監之。

問演習間聞立定之號音。或見氣球上附一赤球當如何。

答無論部隊散兵斥候等。應就刊成隊形。停止於當時所在之地。以待續號。

問聞休憩之號音後當如何。

答就地架槍休憩。

問聞開步走之號音。或見氣球上附三赤球時當如何。

答再行開始運動。

問聞解散之號音後當如何。

答各隊各自集合。因演習已完結故也。

問纏白布或黃布或赤布於左腕上者爲何人。

答纏白布者爲審判官。纏赤布者爲陪從官。纏黃布者爲中立之人。

問假設敵以何者表示。

答以亦旗一面爲步兵一隊。黃旗一面爲砲兵一隊。白旗一面爲騎兵一隊。

問演習時欲表示軍隊之損傷。應用何種旗式。

答係用損傷旗。旗係紅黃白三色布製成。

問統監旗何用。

答以表示統監之所在。

問特別大演時。皇上親自監督者。應用何種旗。

答即以 皇帝旗爲統監旗。

問演習時接近敵人一百米突之際應如何。

答即停止射擊。

問接近敵人五十米突之際應如何。

答即停止突擊。

問在此距離內。何以須停止射擊或突擊。

答以防危險。

問停止射擊或突擊之後應如何。

答即在原地立槍以待審判。

問演習時遇菜園苗圃及一切耕作地當如何。

答非萬不得已不可任意踐踏。

問鐵道綫路能任意通過否。

答除通行路外皆不准超越。

問預防火事宜如何注意。

答小屋之近傍或推積藁草之處不可射擊。

第十七章 野戰工作教範之摘要

問野戰工作教範所論者何事。

答所論者爲攻擊防禦時所作之諸種土工術及障礙物。令所據之地堅固者是也。

問步兵之主要工事有幾種。

答有兩種。一爲散兵壕。一爲援隊預備隊之掩壕。

問散兵壕與掩壕有何區別。

答散兵壕有射擊之設備。掩壕則在散兵壕之後方。無射擊之設備。此其區別也。

問散兵壕與掩壕相連絡處宜用何物。

答宜用交通壕。

問散兵壕只防禦時用之乎。

答雖攻擊敵人之時亦用之。

問戰場之上步兵所携之器具共有幾種。

答共有二種。(一)携帶器具。(二)馱載器具。

問何爲携帶器具。

答負著背囊而兵卒各自負之者謂之携帶器具。

問携帶器具究屬何物。

答方匙、小十字、鋏、手斧、疊鋸、扎刀均屬携帶器具。

問何爲馱載器具。

答小行李、馱馬所馱載之器具謂之馱載器具。

問馱載器具究屬何物。

答圓匙、大十字鋤、大斧、鋼鋸等。

問各種器具。究以何種時機使用爲宜。

答掘土及投土之時。可用圓匙及方匙。若遇堅硬之土。則宜先用十字鋤。又當砂礫之地。使用十字鋤可以補圓匙方匙之不足。

作業實施

問散兵壕之功用如何。

答發揚我軍之火力。減少敵火之損害。

問散兵壕之種類有幾。


答有二。立射散兵壕。膝射散兵壕。

問散兵壕各部之名稱云何。



散兵壕

答胸牆(丁)。內斜面(戊)。臂坐(甲)。壕底(己)。後崖(庚)。火綫一名內頂
 (乙)外頂(丙)自壕底至火綫之高。謂之照準高。



問各散兵壕之照準高。以若干爲度。

答立射散兵壕之照準高爲一米突三十珊知。膝射散兵壕之照準高爲

八十珊知。

問一人有火綫之長度幾何。

答通常約一米突。

問步兵一隊之散兵壕。其長度究宜若干米突。

答通常爲百五十米突。

問散兵壕之寬窄如何。

答立射散兵壕寬約一米突二十生的。壕底寬約八十生的。膝射散兵壕

寬約一米突二十生的。壕底寬一米突。

問胸牆之厚度如何。

答普通約一米突。

問胸牆之高度如何。

答膝射散兵壕之胸牆。自平地至火線高三十生的。立射散兵壕之胸牆。

自平地至火綫高五十生的。

問臂坐之設。究因何故。

答依托兩臂。確實照準。安置彈藥。便於射擊。

問臂坐之構造如何。

答於火綫下二十生的之處。設寬三十生的之澄。

問時機情況兩無妨害之時。散兵壕之築造。究擇何種爲宜。

答宜築立射散兵壕。

問其故何在。

答動作最易。照準最確。効力最大之故。

問築散兵壕時。若遇岩石及湧水。宜如何措置。

答按當時情形詳細斟酌。減壕之深。增壕之寬。或於內外兩側另開一壕。或用土囊土塊等構築胸牆。均屬救急法。

問若須堅固之胸牆及完全之交通路時。究以何種散兵壕爲宜。

答宜築掘擴散兵壕。

問掘擴散兵壕之形狀如何。

答其狀較諸立射散兵壕。深而廣。

問構築胸牆時宜如何注意。

答積土踏之使堅。外頂不露稜角。胸牆務宜底下。并設假裝物。使與周圍之土地不易區別。

問作內斜面之時宜如何注意。

答務求急峻。且當構築立射散兵壕。應設搭脚。

問內斜面務取急峻。其故何在。

答一以射擊之便利。一以身體掩護之確實。

問搭脚爲何而設。

答因前進便利。

問散兵壕之壕底。應如何構造。

答近後崖之處。宜附少許之傾斜。

問其故何在。

答因防內斜面之崩壞。故設此排水之法。

問散兵壕未築之前。應爲何事。

答先定經始及區分作業班。

問何爲經始。

答因定火綫之位置。以繩張之。或植以杭及掘小壕。或設標兵等。均謂之經始。

問何爲作業班之區分。

答如攜帶器具者充土工。餘充交代兵。更以一部測量距離。及集積被覆

物等之分班作業。謂之作業班區分。

問何爲作業軍紀。

答作業之時。嚴禁談話。始終確守命令。謂之作業軍紀。

問若有不守作業軍紀者。其害如何。

答(一)妨作業之進步。(二)易生傷人之事。(三)易爲敵人發見。

問集合作業手於經始線上。命令作業開始之後。應爲何事。

答各人用方匙或圓匙於足尖之前。插入土中。掘一小溝。延至右方鄰兵之處。示壕之前緣。更用此法以示壕之後緣。

問散兵壕掘開時。從何處開始。

答距前緣內方十生的之處。

問胸牆之土應從何處先積。

答因積土容易故從外頂開始。如時機急迫應先構成火綫。

問於草地構築散兵壕注意何事。

答最先著手宜取糾草。

問糾草每塊之大若干。

答長與寬均宜三十生的以上。厚宜十生的以上。

問糾草之用處及其用法。

答臂坐之構築常用糾草。其法如砌磚牆。最上層之糾草草宜向上。其他

則宜向下。

問於岩石及冰結之地施行工事宜用何法。

答預將土囊及填實泥砂之應用材料等。先行準備。然後始設胸牆。

問冰結之土如何掘開。

答先用十字鍬鶴嘴等。由地之表面掘至未凍之層。預穿一溝。而區劃其適當之大塊。然後用木棒等物。用力撥起。

問臂坐之設於作業開始時乎。

答壕成之後。方行構築。

問胸牆之兩端。應成何形。

答胸牆兩端。其側方宜作弧形。以避敵之認識及斜射。

問欲防側射斜射及減少炸裂彈之危害者。散兵壕中宜另設何物。

答宜設橫牆。

問橫牆之高度如何。

答宜與胸牆同。

問散兵壕之前若有妨害射擊展望之物宜如何。

答除而去之。(如遇長大之草可以人馬之力踏之便倒至如堆積之藥及木材石類等則可投棄於地方及撒布於近傍)

問何謂偽工事。

答擇地築設類似之工事。俾敵難見我之真陣地。

問作業間若有敵至之虞。則散兵壕之構築法有無變更。

答先築膝射散兵壕。如有餘暇。即改立射散兵壕。

問作業時槍置何處。

答置壕之後方約四五步之處。槍口向後。

問敵火之下。掩體如何構築。

答携有方匙之散兵。將槍置於身傍。先築自己伏射掩體。約高三十生的。然後將方匙借與未携器具之人。

問掩蔽部何爲而設。

答步兵未交火戰之前。防礮彈之飛來。故設掩蔽部。

問掩蔽部設於何處爲宜。

答宜設於散兵壕之內斜面。及掩壕之前崖中。

問無掩蔽部之散兵壕內。欲避礮彈之危害。宜用何法。

答持槍於手。使背部密接於內斜面。

問掩蔽部之構築。宜用何種材料。

答宜用附近容易徵集之材料。如柱材板扉鐵材等。

問設監視所何故。

答使監視者不受危險。

問何謂野堡。

答用微弱之兵力。堅守一地。築設胸牆。圍繞小地域之全部。或一大部分。

謂之野堡。(有時僅將要部圍以胸牆)

問守野堡者。用何種部隊。

答宜用步隊。

問何謂機關槍座。

答保護機關槍及槍手之掩體也。

問何爲肩牆。

答掩護砲手及砲車之掩體也。

問障碍物之設。其故安在。

答一防敵之奇襲。二於我之最有效射程內阻敵之突進。

問障碍物中所常用者何物。

答鹿柴及鐵條網。

問防禦綫前方之障碍物。宜與火綫相距若干米突。

答宜設於火綫前五十米突以內之地。俾暗夜及濃霧之時。得以確實保護。

問何謂鹿柴。

答集樹幹及較大之樹枝。互相糾結。且以稍端向敵。

固定於地。是謂鹿柴。其以樹幹結搆者。謂之樹幹鹿柴。以樹枝結搆者。謂之樹枝鹿柴。

問何謂鐵條網。

答植杭於地。或利用天然之樹幹。繞以鐵綫。俾成網羅。是謂鐵條網。

問植杭之際。杭之高低及其間隔如何。

答高低不必齊。大約平均一米突二十生的。其間隔亦不定。大約平均二米突。

問張鐵綫於杭上。其從鬆乎。

答防敵之不易通過及不易切斷。則以稍鬆爲宜。

問鐵條網之破壞法。試詳言之。

答一用剪刀剪斷鐵綫。二用斧類切斷杭之鐵綫。三拔取木杭。四

用爆藥破壞。

問利用狹堤之法如何。

答以代胸牆之用。裏面爲射擊之設備。

問利用高廣之堤如何。

答若堤廣不易展望前地。應就對敵之前緣。構成掩體。

問生籬何用。

答密而且高之生籬。可爲良好之障碍物或遮蔽物。

問利用生籬之法如何。

答宜於生離後方。築設散兵壕。

問牆壁何用。

答其高度適當者。可爲良好之遮蔽物。其堅厚者。更可防槍彈及榴霰彈之侵徹力。

問利用牆壁之法如何。


答低牆則將牆根掘下。高牆則積土作塼。成適當之照準高。若牆壁過高。則宜另穿槍眼。

問何爲槍眼。

答穿孔於壁以便射擊者。謂之槍眼。

問槍眼之形狀如何。

答有三種。其應用最多者爲方斗狀。如左圖。



問槍眼之大小如何。

答外口高二十生的。闊十生的者。謂之垂直槍眼。高十生的。闊二十生的者。謂之水平槍眼。內口約五十生的平方。

問利用高粱爲障碍物。當以何法。

答離地六十生的之所。向敵折倒之。使彼此結纏。不妨射擊。則成有利之障碍物。

問利用稚樹爲障礙物。其法如何。

答宜以稚樹軟枝。彼此纏結。

編束物及被覆

問編束之種類有幾。

答共有三種。曰束柴。曰編條。曰堡囊。

問何爲謂束柴。

答集柴（稚樹枝）竹等使爲圓柱之狀而結束之。是謂束柴。

問何謂編條。

答用細柱（木及竹）爲經。以柴及竹片（細竹）爲緯。編爲席狀。是爲編條。

問何謂堡囊。

答以竹片樹枝等編成圓筒。實土於中。是爲堡囊。

問束柴用於何處。

答被覆斜面及階段。

問編條用於何處。

答彼覆斜面。

問堡囊用於何處。

答斜面之彼覆。排水之設備。往往用之。

問此外之被覆作業。用何材料。

答不論何種材料。均可應用。

第十八章 體操教範之摘要

問體操之目的安在。

答養成體力氣力爲目的。

問軍人養成體力氣力爲必要之事。是何理由。

答軍人當效命疆場。馳騁奔走。跋涉萬難。故於平時。養成氣力體力。以供

戰時之用。

問體操之種類有幾。

答有三。徒手體操。器械體操。應用體操。

問體操時何以畧解鈕扣。

答取其動作容易。

問施行徒手體操。究有何効。

答健全身體。增進體力。完全各機關之機能。矯正不正之發育。精神可以活潑。五官百體可以從心靈用。

問徒手體操之時。注意者何事。

答注意自己之體勢及教官之口令。

問教官示以模範。宜如何注意。

答注目教官。切記所示之操法及姿勢。

問呼唱宜高而活潑。其故何在。

答一使呼吸機強健。二令精神愉快。三明運動之節度。四使動作活潑。

問快運動及慢運動。其速度之差異如何。

答一分鐘有六十舉動者爲快運動。一分鐘有三十舉動者爲慢運動。

問頭之運動其效益如何。

答使頸部之筋骨發達至於強韌。

問兩臂運動之效益如何。

答肩之關節及上肢胸背諸筋肉可以強健。動作亦可活潑。

問身體運動之效益如何。

答全身暢適。增長體力。

問兩腿運動之效益如何。

答兩腿之筋肉可以健壯。運動亦可活潑。

問何謂深呼吸。

答不發呼唱。徐徐換氣。呼吸充足。

第二十章 衛兵勤務

問衛兵共有幾種。

答共有三種。一曰風紀衛兵。二曰衛戍衛兵。三曰儀仗衛兵。

問風紀衛兵所司何事。

答維持本標（營）之軍紀風紀。稽查出入警戒意外等事。

問衛戍衛兵所司何事。

答任鎮署協署或兵器彈藥庫等處之守備警戒等事。

問儀仗衛兵所司何事。

答任皇上行宮及大臣行轅之守衛。

問衛兵應知之衛署屯所如何。

答一本地最高級地方官署。二憲兵屯所及警察署。三各兵營。四

消防隊之屯所。

問風紀衛兵統屬何人。

答統屬於總值日官而以衛兵司令督率之。

問衛兵之服裝何如。

答着常服。全武裝。惟不帶毛氈飯盒工作器具雜囊袋等件。

問衛兵之服裝態度可隨意否。

答不可。須裝束整齊。精神振奮。

問衛兵可擅離衛舍否。

答非經衛兵司令之許可。不得擅離衛舍。

問營門步哨之職務如何。

答一保衛營舍之安全。二稽查出入之人員。三報告緊要事件。四拘留有犯風紀者。其他守則與步哨一般守則同。

問標旂步哨之職務如何。

答一除統帶及掌旂官外。不准入標旂室。二注意火災。三遇有意外之事。當捨命保護標旂。

問營倉步哨之職務如何。

答一防阻受禁人之逃逸。二維持肅靜。三禁止職官以外之人與受禁人絡連。四司營倉之啓閉。五防一切意外危險之事。

問倉庫步哨之職務如何。

答一保護倉庫之安全。二嚴禁職務以外之人員窺探。三司警報。

問彈藥庫步哨之職務如何。

答一禁職務以外之人出入。三嚴密查看彈藥庫左右有無火種及易

燃物。

問病院步哨之職務如何。

答一維持靜肅。二指導病兵之入診。三禁止閒人。

問巡察之職務如何。

答一稽查衛兵能否盡職。二巡視有無敗壞風紀者。

問衛兵在衛舍其武裝武器應如何安置。

答預備班則搭槍架卸下背囊。休息班將槍置槍架兼卸背囊彈盒。悉照

規定不得紊亂。

問遇外客入營如何對待。

答宜溫和懇切指示。不可作傲慢粗暴之狀。

問休息兵准睡眠否。

答不准睡眠。卽在夜間須有命令方可。

問衛兵除公事及得上官允許外。可以回隊否。

答因職務重要。不得回隊。

問步哨之執槍法如何。

答晝則持槍。夜則托槍。總之所持之槍。不可離手。

問有人侵犯衛兵之職務時。當如何對待。

答先以婉言勸阻之。若不聽則報告衛兵司令。

問步哨對於哨舍應如何注意。

答交代之際。須將哨舍檢視一週。哨舍內外。不可污損。

問步哨何時可入哨舍。

答雨雪之際。可入哨舍。交代及行禮之時。須於舍外行之。

問步哨所宜禁者何事。

答歌唱、吸烟、談話、跪坐、買食物、又天寒及夜間之戴雨帽皆宜禁。

問步哨若戴雨帽何害。

答一妨害軍紀。二人易思睡。三音響之感覺困難。不免有警戒疏漏

之弊。

問步哨可擅離哨舍否。

答非有要事及守衛司令之許可。不得擅離哨舍三十步之外。

問步哨交代法如何。

答以特別守則及其見聞。告於新步哨。並點交其守護之物。

問衛戍衛兵之步哨。對於何人可言其特別守則。

答衛戍司令官。及副官。巡察衛戍司令。衛舍長。步哨長。此外一概不說。

問衛戍司令官究屬何人。

答衛戍區內之最高級軍官。

問見火災及盜賊暴行或聞警報之時。如何處置。

答見火則喊（火燒）。遇變則喊（留神）。然後急報衛舍及最近兵舍。

問彈藥庫之步哨。若遇近火之時。究宜如何處置。

答疾呼有火。急報衛舍及最近兵舍。將庫之外窗閉緊。再以預備之黃土。

迅速塗封。

問服裝不正者出入營門。步哨應如何。

答令其改正以後。始許出入。

問物品携出營門。步哨應如何。

答驗其証據。

問携物品入營應如何。

答須受司令之指示。

問夜間營門閉鎖時。准人出入否。

答除官長及辦公人員外。概不准出入。

問步哨對於何人行舉槍禮。

答司務長階級以上之各官。

問步哨對於正副目應行何禮。

答立正注目。

問步哨對於部隊如何行禮。

答視帶隊者之階級。行以相當之禮。

問夜間衛兵敬禮否。

答若見官長即須行相當敬禮。在室內之衛兵毋庸行禮。

問換班衛兵或巡察路遇上官敬禮否。

答換班兵由引率者發向左（右）看口令敬禮。若巡察則照官兵相遇敬禮並告巡察二字。

第二十一章 赤十字條約大意

問赤十字條約有何種性質。

答凡在戰地。不論敵兵我兵。只須見有負傷及病患者。無不救助之。有一視同仁愛敵如友之性質。

問赤十字條約始自何時。

答始自西歷一千八百六十四年八月二十二日。即中國同治三年。瑞士國首倡義舉。

問中國何時始加入此條約。

答光緒三十年。

問赤十字之徽章。係何種形狀。

答於白色上畫一赤十字。

問見敵人有赤十字標記者如何。

答決不可加以損害。

問凡佩赤十字徽章人員有何資格。

答有局外中立之資格。

問局外中立之人員。倘陷入敵軍則如何。

答互相優待之。

問若臨戰場。見有敵軍已受傷病之人垂斃地上者宜如何。

答此等人對於我既無抵抗力。決不可加害。

問何爲不殺敵國傷病之人。

答此爲赤十字條約所載。無論敵人我軍。俱是爲國致力。若殺害無抵抗力者。是爲無道德心。爲條約上所不許。

問戰時設立之醫院。倘該地爲敵人占領則如何。

答一般人員照常供職。

第二十二章 救急法之大要

問何謂救急法。

答凡戰鬪間所受之創傷。或行軍宿營間所染之急病。不及待醫員之診視。就地卽行治療之法也。

問彈創之種類如何。

答彈丸貫通身體。謂之貫通創。留諸身體中者。謂之盲管創。彈丸飛過所受之傷。謂之擦過創。

問創口不令膿腐。宜如何注意。

答不可直接手觸創口。或以不潔之物附諸創口之上。

問創口宜如何保護。

答以昇汞藥布片。覆於其上。再施以繃帶。

問創口爲衣服所掩蔽。不克現諸外表當如何。

答或脫去衣服。或將創部處之衣服割開。總令創口能露於外。不碍施手

術療治爲要。

問挫創之療治法如何。

答須設法令所受挫折之部分能安靜不擾動。然後以冷水徐徐澆之。

問折骨宜如何療治。

答創部之治療既畢。後以副木置於無傷之側面。再以繩或布條束縛副

木於創部之上下。

問何故使用副木。

答以防折骨之移動。

問戰地以何物爲副木。

答竹木最好。否則樹皮束藁等亦可相度形勢。裁截長短。臨時使用之。

問靜脈出血有何種現象。

答暗紅色之血徐徐流出者。

問動脈出血有何種現象。

答血色鮮紅。且其量甚多。其勢甚猛者。

問止動脈管之出血與止靜脈管之出血。其部位何以不同。

答動脈爲發血管。凡有破損流鮮紅之血者。須自其上流截止之。靜脈爲

迴血管。凡破損出紫暗色之血者。須自其下部堵截之。

問靜脈出血當用何法止之。

答覆以昇汞藥布片強壓之。然後於其上施以繃帶。

問動脈出血當用何法止之。

答法同前。惟須將創口擡高。

問動脈出血至不易止者當如何。

答須急尋覓創口上端。在動脈通路內側之骨部肌肉最薄有跳動脈處。

先用母指強壓之。

問動脈通路在何處。

答例如耳之前部及手頸胸腹腿足間。凡有搏脈之處皆是。

問口之附近出血。當如何壓之。

答當壓下顎骨角一指寬以前之骨。

問耳之上部出血。當如何壓之。

答當壓耳前有搏脈之處。

問指尖出血。當壓何處。

答當壓指根之兩側有微跳動處。

問手臂出血。當壓何處。

答當壓力瘤之內側。(肘曲時則生力瘤)

問上膊部或腋下出血。當壓何處。

答極力向鎖骨上之窩部內下方壓之。

問脚出血。當壓何處。

答向鼠蹊中央部之骨節間壓之。

問壓動脈流通之路。當用何物。以代指力。

答以如栗狀之木或小石用布包之。置諸搏脈之上。再於其上縛以手巾。其手巾之結處。穿以小木棍或木片或他物。插入其間。極力絞轉之。使

該處動脈不能流通。必至血止爲止。

問止血法有何種緊要。

答傷者猝死。每因出血過多。迨醫員趕來診治。已不可施救。故受創傷時。當以止血爲第一着。

問創口施繃帶術當於何時。

答無論創口之大小。總非俟血止以後。不可施繃帶術。否則往往致招暗中流血之危險。

問繃帶包當收納於何處。

答當藏諸上衣之左裾囊內。

問繃帶包內有何物。

答紅昇汞藥布片二包。每包各三角巾一枚。裏以茶褐色防水布。定痛丸等物。

(附注) 繃帶法之問答關於實行此畧之。

問日射病之急救法當如何。(即暈病)

答扶入樹陰。或扶入屋內。將衣服解開。以上半身置諸高處。令其安臥。復以冷水手巾。覆蓋頭胸。若猶不醒。再以冷水遍注全身。如呼吸斷絕。當用人工呼吸法。

問凍傷治療法如何。

答速以雪捏成團。成冷水徐徐摩擦周身。久而久之。四肢必漸柔軟。再用人工助其呼吸。此時摩擦不可稍懈。必待其人自能呼吸爲度。決不可

驟以溫物觸之。亦不可遽入煖房。

問肢體之一部分凍損。何法治之。

答以雪或冷水搓擦患處。久擦則溫和之氣自血脈流通。或癢或痛或麻木諸現象均無矣。

問何謂人工呼吸法。

答將患者平臥。令口張開。將舌引出。以兩手捉患者之肘。舉至頭上約二秒時間。然後急將舉上之肘驟然放下。壓置其胸側。亦約二秒時間。此時令助手將兩手掌壓患者之胸前及心窩。如是數百次。至患者能自然呼吸時爲止。若患者顏色暗紅。則將頭部擡高。若蒼白則令低下。

問溺死者以何法救治之。

答先掃除口內鼻孔內之泥土及痰。使溺者俯臥。用枕墊其腹部。力壓其背。使水由口出後。脫去濕衣。換上乾衣。用指引出其舌。用帶結舌。繫於腦後。再用人工呼吸法。使其呼吸回復。即可生也。

問溺死救治既生之後。再以何法治之。

答宜飲薑湯熱茶或伯蘭地酒。以溫其身體。

步兵教科書



上海图书馆藏书



A541 212 0013 6022B

二六二

舊書店
數 1
價 0.40

11